

# *LIPOTSO LE LIKARABO*

 U na le seo u batlang ho se ruta? [Moena Neville o re, “Che, monghali.”—Mohl.] Ho ka thoe’ng ka Moena Beeler mono? [“Ha ke tsebe ka eena.”] Moena Beeler, u na le molaetsa oa bosiung bona? [Moena Beeler o re, “Che, monghali.”] Ke—ke batla ke chele lentsoe. Ke ne ke ntse ke e-na le lipotso—tse ling. Haeba ba ne ba sa . . . Hola e mong oa baena bana a ka nka ’me a rera, nka thaba.

Joale, le se ke la roaleha. Sena ha se . . . Ana ke masela a thapelo a eang Afrika. Sena sohle se lokela ho khabelloa masela a thapelo, ’me ba ne ba batla hore ke a rapelle ka ntle mona bosiung bona, le liemfelopo tse ling tse tletseng. ’Me ka nahana hore re tla nehela tsena tsohle ho—ho Morena. Sena sohle se lokela ho sehoa ho nketella pele ho ea Afrika. Joale, lea tseba hore na ke masela a makae a thapelo a tlang ho etsoa ha a fihla sekotong sa boholo boo, likete tsa ona. Moena Fred o tlisitse makholo a supileng letsatsi le leng ka emfelopo e nyenyane hakaalo. ’Me u ka inahanelala hore na sena—hore sena se tla etsa a makae. Ka baka leo re . . . Ho se ho se hokae, khele, re tla e rapella.

<sup>2</sup> Joale, ke batla ke chele lentsoe, empa ke boletse hore ke tla khutla ho araba tse ling tsa tsena—lipotso tsena ka hohle kamoo nka khonang. ’Me joale, kamehla, ha litsoleletso tsena li fihla, e qala e fuluha hanyenyane. ’Me ke batla—ke ne ke nahanne hore sena se tla batla se e batalatza bosiung bona ho kereke, u a tseba, hobane ka linako tse ling ho boletsoe taba ha thoe kereke ha e a e utloisia. ’Me ba u fa monyetla oa ho ngola potso ea hau hona joale. Ke tla u fa tseo ke nang le tsona; ’me joale, haeba u na le ntho e kang eona, ha u na ho tlameha ho e ngola.

’Me e ’ngoe ea tsona ke ena: **Ka kopo hlalosa Baroma 7:25.**

E latelang: **U itse motho a ka phela haufi le Molimo hoo a sa kang a etsa sebe.**

**Re tla tšoana le eng tshong ea bafu?**

**Moena Branham, motho o lokela ho etsa’ng ha a latetse litaelo tsohle tseo li rutileng; ’me hape, u amohela Moea o Halalelang joang?**

**Ka kōpo hlalosa Baheberu 6:4 ’me u e bapise le Baheberu 10:26.**

**Le: Ho boleloang ka ho rereloapele lefatše le theoa; ’me ke hokae ka Bibeleng moo u ka fumanang tse kang tseo?**

<sup>3</sup> Le Khaitseli Mc—. . . Che, eo—eo ke kopo ea thapelo.

<sup>4</sup> Joale, tseo ke lipotso tseo re li ts’oereng tsa bosiung bona. Haeba u na le e ’ngoe re sa etsa selelekela se senyenyane mona,

be, u ka e tlisa, 'me re tla leka feela... Joale, haeba potso efe e le kelellong ea kereke ka eng eo—eo re nang le eona, khele re ka rata feela ho—ho khona—ho u thusa ka hohle kamoo re neng re tseba kateng. Le a bona?

<sup>5</sup> 'Me ke batla hore u hopole kamehla seo ke se buang mona, ha ke se toboketse ka matla e le 'Nete le tsohle. Ke ntho e molemohali eo ke e tsebang e le 'Nete e tiileng ea eona. Nka—nka fosa joaloka motho ofe ea shoang, ke mpa feela, Moena Jackson—ho leka feela ho e hhalosa ka tsela eo ke nahantanang hore e lokile (u a bona?), kamoo ke e bonang, Moena Mike, ka Bibeleng, feela... 'Me ha ke ithuta lintho tsena, ha ke e qotse sebakeng se le seng.—ke khutlela morao 'me ke e ntša ho Genese, le ho e fetisa ho fihla ho Tšenolo, hantle feela ho pholletsa le Bibebe.

<sup>6</sup> 'Me joale, u ka tlisa e—esita le sehlooho. Empa, haeba se ne se sa ngomelane le Lona lohle ka mono, Lengolo le leng lohle, se tla be se le phoso, leha ho le joalo. Haeba u se ntša kae, se tlameha ho—se loketse ho lumellana le Mangolo a mang kaofela. Le a bona? 'Me Lengolo lohle le tla nyallana haeba Le kopantsoe hantle, haeba... Le joaloka papali e kholo ea malataliana. 'Me ha ke bolele... Haeba ke bua ka phoso, joale Molimo o ntšoarele. Lengolo ke ntho kang malataliana. Le a bona? Seo... Le qhalane kahohle 'me le lubakane feela ka lebokoseng, 'me ho hlokoia Moea o Halalelang ho teanya seo 'moho. Le a bona? 'Me—'me re ke ke ra khona ho e etsa. Joale, ha ho litlhaloso tse fapaneng tse makholo a robong le mashome a tšeletseng a metso e robong ho Lona, hobane Bibebe e boletse hore Lengolo ha le a tla ka ho itlhalosetsa ha motho. Le ngotsoe hantle feela ka mokhoa oo. Re Le lumela feela... (Kea leboha, Moena Pat.) Rona... Le ka mokhoa feela oo Le leng 'ona—Le ngotsoeng ka Bibeleng; re tlameha ho Le nka ka mokhoa oo, ka tsela eo. Ka hona haeba re leka ho Le buisa se seng mona, be, Le ke ke la bua ntho e tšoanang ka mona. Le a bona, haeba re—haeba re beha... U tlameha ho etsa hore Lengolo le Ikarabele mona, le Ikarabele mona, ho Ikarabelia mona, le leng le le leng feela ho kena malulong a Lona hantle feela ho Le kopanya hammoho.

<sup>7</sup> 'Me joale, ke ne ke nahanne hore mohlomong... Ke ne ke tlil'o bua 'me ke boletse ke tla etsa joalo bosius, *Re Bone Naleli ea Hae Bochabela*, 'me *Re Tlide ho Mo Khumamela*; empa ha ke na lentsoe le lekaneng, 'me hape, ho etsa hoo. Ke ile ka futhumala ka mona bosius bo bong 'me ka tsoa. 'Me ke ne ke chesa hakana ha ke kena koloing, ka e kubeletsa hantle feela. Ka theola fensetere 'me ka ea hae. Be e—ke kholoa e ne e le Labone kapa Labohlano bosius. Hona bosius bo hlahlamang feela, ka qala ka—letsatsi—ka qala ka cha lentsoe, ho batla ho... Oh, ke... ha ke—e seng ho kula, ho se feberu, ke sa kule, ho se sefuba; empa e ka re e—joalo ka thuruho 'metsong oa hau ka lebaka la ho bua feela le—le ho lematsoa ke ho rera ka thata, 'me hape—'me ho a bata. Empa ho tla—ho tla loka letsatsing kapa a

mabeli, ha re re Sontaha. Nka theoha ho thusa Moena hape. Hoba a qete ka therò ea hae, ke tla tsoma 'me ke bone na ho setse'ng hape.

<sup>8</sup> 'Me—'me hape ke batla hore kereke eohle e amohele Moea o Halalelang. Joale, ngoetsi ea ka e lutse mona. Hase hobane e le ngoetsi ea ka, ha se hobane a le teng, ke e mong oa banana ba khabane bao ke ba tsebang; ke ngoanana e motle, Loyce. 'Me o tsoa linthong tse kholo ho latela nalane ea hae, o ne a tlamehe ho tsoa lelapeng le neng le sa rapele Molimo le joalo-joalo. Ke utloela ngoana eo bohloko, ho tlameha ho hola joalo. 'Me joale, o batla Moea o Halalelang, 'me o itimile lijo ho fihlela a sa khone ho ema, ho itima lijo le ho rapella Moea o Halalelang.

<sup>9</sup> Khaitseli ea ka, Delores, o itse, "Bill, ke mpa feela... Mohla kereke e neng e—matla a neng a le ka har'a kereke," a re, "ke ne ke utloa ekare nka fofa. 'Me hape, eitse ha bohle—Moea o Halalelang o ile oa qala oa theohela holim'a batho," ho re, "ke ile ka lula mono feela 'me ka qamaka." Le a bona? Be, le a bona, 'me potso eo e teng mona bosiung bona, malebana le hoo. Kahoo ka hopola seo se ka thusa kereke ho—ho amohele. 'Me joale, ha ke batle ho nka kopano ea thapelo ea Laboraro bosiu le ho e arola nthong e kang eo, empa ke—ke batla ho etsa bonnete ba hore kereke e utloisia lintho tsena hantle (lea bona?), pele...

<sup>10</sup> 'Me ke tsoa bua le ngaka mona Sontaha, ho kena le ka morao ho kereke mona ka—morao mona ka morao ho kereke. E ne e le ngaka ea meriana. O khannile ho tloha koana (ntlu-kholo ea Assembly of God e hokae joale? Ho la...) Springfield, Missouri, ho etela seboka.

'Me a re, "Moena Branham..." (Joale mono ke ho tsoa lintlu-kholo tsa Assemblies.) 'Me a re, "Haesale ke ipotsa ka ntho eo Bophelong bohle ba ka." Ho re, "Ke lekhetlo la pele ke utloa e batalalitsoe bophelong ba ka." A rialo... O kopane le 'na morao koana ka phaposing, ke lutse, ngaka ea meriana.

<sup>11</sup> 'Me—'me ka hona, Moena Mercier le Moena Gene Goad morao mono ka lihatisi... Hona joale feela, Moena Mercier o itse o fumane tse khabane ka ho fetisisa tsa kopano mono—moo re hlalositseng teng hore—hore eitse ha Moea o Halalelang oo o ne o kena kopanong le—le ho Ikarola, 'me Molimo o Ikarola har'a batho ba Oona... Be, ke seo O se etsang feela. 'Me hape, ha batho ba Molimo ba qala ba phutheha 'moho, bonngoe bo teng, matla a e—ba teng. Le a bona? 'Me nako efe ha batho ba Molimo ba kopana ka bottlalo, ke lumela tsoho e tla etsahala nakong eo. Nako ea hloibilo e tla fihla mohla Moea o Halalelang o qalang o e bokella. Bao—e tla ba ka sehlotšoana, ehlile, empa ho tla ba le kopano e kholo.

<sup>12</sup> Joale, masela ana a thapelo a rometsoeng, *Lentsoe la Pholiso...* Ke hantle hang, la pele la selemo, ha Morena a a rata, ke—ke kena Kingston, Jamaica, ho kena Haiti, le ho tloha

mono . . . E—e mopresidente oa Haiti o nthomeletse memo, ka e—le ka tshireletso eohle ea mabotho. Ho tsohile moferefere mono. 'Me seo e leng sona, o batla hore re tle ka tšebeletso ea mofuta ona, eo a utloileng hoba e ne e le koana e—koana San Juan selemong se fetileng mohla re ne re etetse teng. O boletse a hopotse e ne e le eona feela ntho e ka pholosang naha ea habo. Le a bona?

<sup>13</sup> Joale, haeba ke na le motsoalle oa ka oa Mokatolike ea lutseng mona, ha ke bue sena ho—ho u rohaka kapa eng; ha ke e bolele ka tsela eo. Empa kerek ea Katolike e ntse e leka ho hapa Haiti (le a bona?); 'me ntho e le 'ngoe feela e tla e pholosa, e tla ba tsoseletso ea Protestanta, e sisinyang hona joale. Le a bona? 'Me e ne e le monate ruri, 'me ke a e ananela. 'Me ka hona ka 'molella, mehleng ea veke ea Keresemose le matsatsing a 'maloa a latelang joale, ka mor'a hosane, re tla itima lijo le ho rapela, 'me re bone tsela eo Morena a tla re tsamaisa ka eona.

<sup>14</sup> E ntoo ba Amerika Boroa . . . 'Me joale, ke ikutloa ke eteletsoe pele ho ea—ho ea Norway. Ke hlile ke etelletsoe pele ho ea Norway selemong sena, le hape, Afrika hape. 'Me ntho e ena e tla—e tla khabeloa liribone tse nyenyane 'me e romelloe Afrika pele ho kopano. Ke kamoo batho ba bangata . . . Le ka fumana mohopol o akaretsang hore ho letsa batho ba bakae ho fumana masela a thapelo joale ha ba utloa hore u a tla, le a bona, ho fumana feela—ho hokahana hape. Kahoo ana ke maselanyana a khabetsoeng hape 'me a loketse ho romelloa ho—ho batho ba fapaneng.

<sup>15</sup> Ka hona 'moho le Kerek e kholo ena ea Molimo o Phelang, ha re inamiseng lihloho tsa rona nakoana joale. 'Me e mong le e mong oa lona ka tsela ea hae, le rapele Molimo ho tlotsa masela ana. Joale, pele ke qotsa Lengolo ho thoe, "Ba nka masela le diduku tse ammeng 'Mele oa Pauluse, 'me ba a beha holima ba kulang, 'me meeaa e mebe ea tsoa bathong, le mahlomola; 'me ba fola."

<sup>16</sup> Morena, holima deseke e nyenyane ena esale e eme mona lilemo tsena tsohle, le kamoo U re hlohonolofalitseng kateng hakana, e—e Evangeli haesale e feta nthong ena, 'me . . . Hola deske ena e nyenyane e ne e ka ba le mahlo feela kapa e ka bua, e ka bua ka makholo a mehlolo e meholo e entsoeng ka pel'a eona: ba holofetseng, ba shoeleng litho, ba foufetseng, ba tšoeroeng ke mofetše. 'Me matla a Molimo o Phelang a tsebisitsoe moahong ona o monyenyane. 'Me Ntate Molimo, re U leboha feela ka lintho tsena tsohle.

<sup>17</sup> 'Me joale, kerek e phuthehile 'moho bosius bona ho U rapela. Re tlile ho—ho araba lipotso tse botsoang. Ke botšepehi le lipelo tsa batho haele moo lintho tsena li qaka likelello tsa bona. 'Me Morena, rea elelloa, hore haeba ntho e re ferekanya, re ke ke

ra ba le tumelo le ka mohla, ha feela potso e le teng. Kahoo ha re batle lipotso leha e le life.

<sup>18</sup> Morena, re bona tlhoko ea kolobetso ea Moea o Halalelang har'a batho ba rona le har'a kereke ena. Le rona—ha re batle lipotso leha e le life likelellong tsa bona. Re batla e hlakisoe eohle, ba tle ba tsebe seo O leng sona mohla O fihlang, 'me ba tsebe hore O etselitsoe bona.

<sup>19</sup> 'Me hape, ka mose ho leoatle, hole koana likhoeng tse lefifi moo meropa e llang, 'me balepera ba rapaletse ka nqa tsohle—tlas'a lifate, 'me lintsintsi li fofa, le e—le maoto a bona a khaohile le litsebe tsa bona li hlahlathuoe 'me lifahleho tsa bona li jeloe, ke lepera. Ho nkha, Morena, ho fihlela u sa khone ho ba atamela bohole ba boloko ba motse. Le bana ba banyenyane ba futsanehileng ba se nang lijo, ba se na liaparo . . . 'Me ba a nthata, Morena. 'Me bona—ba lumetse tšebeletso, ka mor'a hoba Matla a Molimo o Phelang a folise bongata ba bona. 'Me ha ke eso phomole moeeng esale ke tlohile Afrika, ho tseba batho bao ba futsanehileng, ba nyahameng ba le maemong ao a mabe mono, 'me ba phela ka tumelo-khoela. Le ngaka ea moloi, e otlanyang masapo a batho ka menoana ea hae, a bitsa meeaa e mebe, 'me oh, ha se e—ke sebaka se joang, 'me hape ho nahana, mona Amerika, likereke tse ratehang le libaka tse kholo. 'Me, Molimo, le ho tseba hobane batho bao ba futsanehileng ba hloka haholo, ho ba bona ba tla kopanong, ba robala e mong holim'a e mong, 'me bongata ba bona ba shoa ba robetse mono, ba leka feela ho utloa mantsoe a 'maloa ho motho eo ho itsoeng o a U tseba. Pelo tsa bona li qala li phahama, Morena, haesale Molaetsa le mangolo a haotse ho phatlalla le Afrika joale. Mello, ekare, e qala e hotetsoa hape.

<sup>20</sup> 'Me kereke ea Hau e kholo mono, eo e neng e le kereke e matla, oh Molimo, e ile ea pshatleha likotoana, 'me ea arohana tsobotsing e 'ngoe ea molao, 'me—'me ba bang ba ntse ba leka ho tiisetsa 'Nete le Moea. 'Me joale, likete li romela li kena joale; ba batla masela a thapelo kapele ao—ke a rapeletseng. Ka har'a liemfelopo tsena tse nyenyanne mona—ke likopo tsa thapelo, tsa liphutheloana tse eang ho bahloki. Oh, Molimo oa Leholimo o entseng maholimo le lefatše, Ke a u rapela, Morena, ka Lebitso la Jesu, hore U tle u halaletsse moroko o mong le o mong oa lithepa tsena. 'Me Moea oa Hau o Halalelang o ke o haole holima moroko o mong le o mong oa sona, Morena. 'Me e tle re ha se beoa holima bakuli le ba mahlomoleng, meeaa e mebe e ba tlohele.

<sup>21</sup> Ha u nahana morao likhoeng moo lintho tsena li tla ea teng, bongata ba bna, moo ba leng—ekasita ba khumamela liabolose. Ke a rapela, Molimo, hore a se fumane le sebaka se le seng sa ho ema, hore a tle a tlohe liahelong, 'me batho ba finyelle tsebo ea Morena Jesu. Aba sena, Morena. Maloetse a bona a folisoe, matšoenyeho a bona a lokisoe, 'me meeaa ea bona e pholosoe, le Matla a Molimo a nke maemo a ka pele. Aba sena, Ntate. Re romella moroko o mong le o mong e le ngata-nngoe. Malakabe a

mollo a teng ka mona bosius bona, Morena, 'me 'moho re romela lithapelo tsa rona ho Uena molemong oa sena, hore motho e mong le e mong eo li behoang holim'a hae o tla folisoa. Ka Lebitso la Jesu Kreste. Amen.

<sup>22</sup> Joale, na le a nkutloa ka morao, hantle morao mono bosius bona? Ho lokile. Ke hopola re tla thaba haholo ha re fumana kereke e 'ngoe mona, hobane linthoana tsena li a sitisa, li khabela lentsoe la hau 'me le—le batla le sa le utloe ho hang.

<sup>23</sup> Joale, ke a eleloa hape bosius bona, ke—ke atamela libaka . . . Moena Wood, pele ke e lebala, ke tšoere sakatuku seo. Na ha u a mpha sakatuku sa motho e mong? Kapa na e ne e le uena? Motho o mphile sakatuku ho e qhoaela pokothong ea ka le ho e tlama, 'me esale ke se tšoere ho tloha mohlang oo, nakong ea kopano. Ha ke tsebe hore e ne e le mang. Ke hopotse e ne e le uena ea itseng, "Qhoaela sena ka pokothong ea hau molemong oa motho e mong." Tse ling . . . [Moena Neville o bua le Moena Branham—Mohl.] Na ho ne ho le joalo? Moena Jackson, na u ne u tšoaretse motho sakatuku? Ena ke eona. Ho lokile. Sena . . . E, monghali. Be, sena se tla lula hantle mona, Moena Jackson, haeba u e lakatsa joalo. 'Me joale, ke a tseba motho o mphile sona, a re, "Se qhoaele ka pokothong ea hau." 'Me eaba, ke se kenya ka hara jase ea ka 'me ka se lebala.

<sup>24</sup> Joale, ho . . . Joale, ha Morena a ratile, 'me lentsoe la ka le lokile, hoseng ha Sontaha kapa Sontaha bosiu, e 'ngoe, ha Morena a ratile, ke batla ho bua ka molaetsa oa Keresemese oo ke le tšoaretseng 'ona: *E—E Pontšo E Sa Fanyeng*. Le a bona? Ke sa ntse ke . . . Ke e otlide hoseng ha Sontaha, 'me eaba, ntho e 'ngoe e otla pelo ea ka. 'Me ke ne ke le hole haholo le molaetsa ho e thonaka hape. Kahoo ke—ke batla ho e thonaka Sontaha hoseng, ha Morena a ratile, kapa Sontaha bosiu, bo bong. Ka baka leo 'na le Moena Neville re tla kopana nakong eo.

<sup>25</sup> Joale, joaloka ha Moena Neville a boletse, 'me le 'na ke batla ho leboha e mong le e mong oa lona ka sehopotso sa Keresemose, likarete tsa lona. Moena le Khaitseli Spencer, ke tšoere tsa lona. Le bohole ba fapaneng mona ba nthometseng likarete tsa lona, ka mahohle, ke hlile ke a li ananela le limpho le lintho tseo le li rometseng. Re li ananela ruri. Ho tsoa—ho tsoa ho mohatsa oa ka, le 'na, le—rona—le bana, rea le leboha. Re ka thabela ho romella e mong le e mong mpho ea Keresemese, empa ruri ho ka ba thata ho moreri ho e etsa, na ha ho joalo? Be, mohlomong bongata boo u tlamehang ho bo finyella hohle, nke ke ka khona ho e etsa. Le a bona? Ke mpa feela . . . Empa e ka re nka fumanela bana, e mong le e mong, ho hong. Ke hlile ke rata ho e etsa, empa ha se feela . . . Bareri ba ke ke ba etsa joalo. Le a bona? Ke lintho tse ngata feela tse rekoang. Empa rona bohole, ke tile, 'na le ba bang hape, hore re ananela liphutheho tsa rona. E 'ngoe ea lintho tse kholo tseo ke nahantan hore le li entse, ke lerato la lona le tumelo ea lona

e sa shoeng eo le e behileng ho 'na joaloka—e mong oa balisa ba lona mona, le—le selemong sena.

<sup>26</sup> Moena Neville, mono ke ho uena, moena oa ka ea ratehang. 'Me moea o hlabosang oa Moena Neville esale a bontša, ho kang, "Tloo u ka tsoella hantle, Moena Branham; sefala ke sena, se nke hantle. Ho bokoe Molimo, ke rata ho lula fatše le ho mamela." 'Me ke—ke rata seo. Ke—ke rata feela mokhoa o ikokobelitseng, o hlokang boithati oa Moena Neville.

<sup>27</sup> Le tumelo ea lona bohole, 'me feela... Ntho e le 'ngoe eo le ka nketsetsang eona ka mohau, ke ho nthapella. Joale, ke tlil'o tšoara sehlopha sa likopano tse qalikaneng pele lenaneo le leholo le qala. Joale, tsona—li tla hlongoa kahohle, ha ke nahana, tlase mathokong a Glasgow, Kentucky, ke tla fumana bosiu. Mohlomong Campbellsville, Kentucky, ke tla fumana bosiu. Le—le koana sebakeng se seng mane Kentucky, Willow Shade, kea kholoa ke eona, ke fumana bosiu. Bakeng sa... Hantle feela joalo ka, ke tla le tsebisa hang feela ha re li batalalitse, likopano tse tlang, e tla ba likopanonyana tse maqalika feela joale, ho fihlela ke khutlela tšimong hape.

<sup>28</sup> Empa ke inehetse bocha le ka nchafatso bosius bo bong ho Molimo. 'Me ka thuso ea Molimo le ka mohau oa Molimo ke ikemiselitse ho lula liqhaneng ho fihlela ke shoa. Le a bona? Ke se ke entse hoo lilemo tse ka bang mashome a mararo tse fetileng. 'Me nkile ka ba... Empa ke khathala haholo ka linako tse ling, ke lahleheloa ke kelello. Ke fihla moo ke sa khoneng ho tsoelapele. Le a bona, lona le mpa le e bona feela hantle mona. Lona—le mpa le sa lemohe seo e leng sona holimo mono, le ka ntle koana, le ka mona. 'Me—'me ha se le ho tloha—ha se le ho tloha motseng o mong, che; seteiti se le seng, che; ha se ho tsoa United States; empa lefatše (le a bona?), lefatše ho pota. Le a bona? 'Me bao—ke ba bangata, kea kholoa, ba hokahane bosius bona, ke kopane kapa ke hokahane, e seng ka likete, empa limilione tsa batho. Le a bona? 'Me le tla makalla feela bongata ba kulang. Le a bona? 'Me ba ntse ba letsas; 'me e etsa khatello e kholo.

<sup>29</sup> Kahoo ke leboha lithapelo tsa lona bohole. 'Me ka thuso le mohau oa Molimo, Keresemose e Monate haholo ho e mong le e mong oa lona. Hopolang polelo ea ka, ena ha se Santa Claus, mona ke bakeng sa Jesu. Le a bona? Keresemese e bolela "Kreste." 'Me re ne re qhoba maobane bosius, ho bontša bana matlu 'ohle a khabisitsoeng le ntho e 'ngoe le e 'ngoe, e leng ntho e ntla haholo. Empa ka nahana, haeba le ka mohla ka—ntho efe holim'a tlu ea ka, eo nkileng ka batla ho e engola, e ka ba letšoao le halimang: *Ho Tšepa Kreste A Tla ba Teng Ka Har'a Keresemese ea Hau*. Ke hantle. Busetsang Kreste hape ka ho Keresemese.

<sup>30</sup> Joale, Ntate Molimo, re atamela lipotso joale. Re tla ka botšephei, haholo. 'Me—'me batho bana ba ratehang, Morena, ba beile lipotso tsena 'me—tse ka pelong tsa bona, 'me ekaba

tse ling tse ngata li ka mohahong, 'me ba batla ho tseba hore ba etse eng feela. 'Me Ntate, 'na ke—ke phapanyetso ea Hau e fokolang haholo, empa ke U rapela ho nthusa ho tseba Lentsoe la Hau, hore Le tle le tlise kabelo e khotsofatsang potsong e 'ngoe le e 'ngoe. Taba ena joale re e tlohela matsohong a Hau, 'me ka Lebitso la Hau re a e kopa. Amen.

<sup>31</sup> Joale, potso ea Moena Pat mona ke e ntle haholo, e ntle haholo. Nka mpa ka qala ka taba eo, Moena Pat. Joale, e mong oa lona ha a e-na le potso, e ngole feela 'me u e behe mona, kapa—kapa Moena Pat o tla u tlisetra pampitša ha u sa tšoara pampitšana; kapa ke tla thabela ho etsa sohle seo nka se khonang ho e araba.

Joale, ena ke potso e kholo, Moena Pat. E batla e le mokhoeng o qabolang, empa ke potso.

**101. E kae meea joale e keneng likolobeng? E kae meea e keneng mohlapeng oo oa likolobe tsatsing leo mohla Jesu a neng a leleka ho lehlanya?**

<sup>32</sup> Be, Moena Pat, ho latela tsebo ea ka... Joale, re qala ka botemona le ho qala. Joale, botemona ke ntho ea tonana. (Joale, bang ba lona le shebe tšupanako 'me le se ntumelle ho ea lolololo potsong e le 'ngoe.) Empa matla ao a matemona, meea eo e neng e le ka ho monna ea bitsoang Legione pele. Na ha ho joalo? 'Me hobane lebitso la hae e ne e le Legione, hobane *Legione* ka Seheberu e bolela "ba bangata." Le a bona? A ne a le mangata.

<sup>33</sup> 'Me meea eo ka ho monna eo ea ratehang e ne e mo hlantsitse. 'Me mang ea boneng motho ea hlanyang kapa a tlameha ho sebetsana le bona, ba makhetlo a mangata—a bona—ho feta matla a bona, hobane ba hapuoe ke liabolosi hakaale. Haeba u kile oa fihla haufi le moo e—motho ea lahlehetsoeng ke kelello, oh, ho qosa banna ba 'maloa ba shahlileng ho ba tšoara. 'Me matla a bona a menahane habeli kapa hararo.

<sup>34</sup> Joale, ha motho a holofetse 'me Moea o Halalelang o ba tšoara, haeba liabolosi a le matla a kaalo ho natlafatsa matla a motho hararo kapa hane, ebe Molimo o ka kenya matla a makae ka ho motho? Le a bona? Ke sona se theohelang holim'a hae ho mo tsamaisa ka matla a Molimo, athe esale a robetse a holofetse lilemo. Masapo a hae a sa tsoa otloloha; le matsoho a hae a otloloha; o a tsamaea, le joaloka mohlankana e mocha, hobane matla a Moea o Halalelang a holim'a hae.

<sup>35</sup> Joale, ana a ne a le bolotsana ho fihlela a tlamile monna ka mahlaahlela, 'me a khona ho a khaola. 'Me ho thoe o ile a tsomula. 'Me ho ne se—ho se letho le ka mo tlamang. Maemo a hae a hlile a le mabe ruri, hobane legione la batemona le ne le ahile ka ho eena. 'Me hape, eitse ha a... Jesu o ile a haola 'me a kena Gadara 'me a feta mabitleng... 'Me o ne a le khopo hakaale, e seng monna eo (le a bona?), monna o ne a itoketse.

<sup>36</sup> Ha se monna eo. Ha u bona motho ea joalo, u se ke oa nahana hore ke monna eo le ka mohla; ke liabolosi ea leng ka ho monna.

Joale, lehlanya leo holim'a kalana bosiung boo, le ne le tla mpolaea, holimo koana Oregon. Monna eo, ke-eitse ha a nkatamela, sebakeng sa... a ntsoela ka mathe sefahlehong a mpitsa "noha har'a joang" ka pel'a batho ba ka bang likete tse leshome, be, e ne e se hoo, e ne e se monna eo. Ke monna ea jang, ea noang, ea robalang, mohlomong a e-na le lelapa, le ea ratang, le—le joaloka ka 'na kapa le uena. Empa e ne e le liabolosi eo ka ho eena ea neng a etsa hoo. Le a bona?

<sup>37</sup> 'Me ha u ke u leleka liabolosi ka boitšoaro bo phoso. Ho hloka lerato ho etsa joalo. 'Me lerato ke matla a fetisisang a leng teng lefatšeng. Joale, ha u ka hlokoma, kamehla liabolosi o a hloea. Lehloeo ke la liabolosi. 'Me batho ha ba hloile motho, hopolang, ke liabolosi e mobe ho nyelisa kapa ho se rate. Ha u a lokela ho etsa joalo.

<sup>38</sup> Le a hopola hore e—e... Jesu o boletse thutong ea Hae hore ha le rapela, "Ntata rona Ea Leholimong,"... 'Me ha A theoha, A re, "Ekare ha le sa tšoarele e mong le e mong litšito tsa hae ho tsoa pelong ea lona, le Ntat'a lōna ea Maholimong a ke ke a le tsoarela litšito tsa lōna." Le a bona? Ha u a lokela ho etsa joalo.

<sup>39</sup> Empa joale, moo liabolosi a bopang matla a lehloeo (le a bona?) ho tsoa le ho mathela holim'a kalana ho mpolaea, etsoe ka 'mele, o ne a le bokhoni ka ho fetisisa, makhetlo a mangata ho feta... A ka be a ile a nqotsa, mohlomong, ka menoana ea hae e 'meli, hantle holimo ka lebanta ka mokhoa oo, hoba o ne a le boima ba makholo a mabeli le mashome a tšeletseng kapa ba makholo a mabeli le mashome a supileng; a batla a fafohile ho feta maoto a tšeletseng le halofo kapa maoto a supileng, thaka le leholohali. 'Me feela... A sa tsoa otla moreri seterateng ka setebele, a mo roba lepetu la molala le mohlahare, 'me a mo lematsa, 'me a mo robatsa kokelong. A mpa a hloile bareri feela. 'Me eaba, o mathela holimo mono hantle feela ho mpolaea. Le a bona?

<sup>40</sup> Joale, meea ena e lelekiloeng likolobeng tsa Gadara e ne e le ka ho monna eo. Ba bang ba batho bao ba futsanehileng ba kantle mona setsing sa mahlanya, ba batoloka lihlooho tsa bona mekoallong e aliloeng mesangoana, liseleng. Hopolang, matemona ha a shoe. Matemona a phela ka mehla, empa nako e a tla eo ka eona matemona a tla tlameha ho shoa. A tla timeletsoa ka ho feletseng. Empa joale, aa phela, 'me a sebetsa ho tloha molokong ho isa molokong holim'a batho. A mang a seboprehong sa mofetše; a mang a sebōpehong sa sethoathoa; a mang a sebōpehong sa lefuba. A kena nameng, empa a bonahala, a se na matla ho fihlela a ka kena ho motho. A tlameha ho sebetsa ka motho, taba e khutlisang mohopolo o mong, hore Moea o

Halalelang o—o aparetse lefatše, empa O batla o hloka thuso ho fihlela O kena ho uena le ho 'na.

<sup>41</sup> Molimo u itsetlehile ka 'na le uena. Le a bona? Moea o Halalelang... Lefatše le tletse Moea oa Molimo, empa O tšolotsoe. Empa O—O ke ke oa sebetsa ho fihlela O kena ka ho rona, rona batho, ho sebetsa.

<sup>42</sup> 'Me liabolosi o batla ho re hapa ho sebetsa tlas'a hae. Kahoo ha a fumana sebōpeho se bobebe, o qala ka sebe. Haeba a ka mo tšoarella feela ka ho ba monna ea lokileng, monna ea khabane, le ho mo lesa ho tsoela pele le ho leka ho loka joalo; haeba a ka mo tšoarella joalo ho fihlela a shoele, ke seo a batlang ho se etsa. O mo tšoere, hobane ho sa tsotellehe hore u lokile hakae, u khabane hakakang, u itsōere hakakang, u hloekile hakakang, u tšepahala hakakang, u ke ke oa fihla Lehelimong ho fihlela u tsoetsoe labobeli. Jesu o boletse joalo. Kahoo ha ho... Eona... U tlameha ho tsoaloa, u tlameha ho nchafatsoa, kapa ha ho mokhoa oa hau lefatšeng ho kena Lehelimong, kapa le ka mohla—kapa ho tla ho Kreste le ka mohla.

<sup>43</sup> Joale, ke buile metsotsong e 'maloa e fetileng, taba e ka tsosang potso e 'ngoe mohopalong oa hau, hore ke—seo ke se rutileng, 'me ke holim'a—holim'a... Hore ha ke lumele ho e-na le bosafeleng... Ha ke lumele Bibebe e ruta ka lihele tse tukang, ka ho sa feleng. Ha e etse joalo, hobane haeba lihele e le tsa bosafeleng 'me batho ba eang teng ba tla otloa ka bosafeleng, mokhoa o le mong feela oo ba neng ba ka otloa ka bosafeleng, ba ne ba tla lokela ho rua Bophelo Bosafeleng. 'Me mofuta oa Bophelo Bosafeleng o mong feela, 'me ke ka ho Molimo. Le a bona? Ka hona ba lokela ho timeletsoa (le a bona?); ke hore, karolo ea bona ea nama e a timetsoa, le karolo ea bona ea moea e a timeletsoa. Hoo ke ho senngoa ka botlalo; ha e sa tla hlola e ba teng. "Leha e le motso kapa lekala," Bibebe e e bitsa joalo. Li felisitsoe ka botlalo.

<sup>44</sup> 'Me hape, nka paka hore ho na le digarata Lehelimong, hore bohole ba ke ke ba lekana, empa le tla ba le Bophelo Bosafeleng bo lekanang. Empa Bibebe e boletse hore marena a lefatše a tlisa tlhompho le khanya ea 'ona (Tšenolo 22)—ho tlisa tlhompho le khanya ea 'ona motseng. Hoo ho paka ho tla ba le marena lefatšeng le lecha, marena le babusi. Jesu o boleletse barutuo ba Hae... Ba re, "Re tla rua eng ha e le moo re tetse ntate, le 'mè, le bohole ho U latela?"

<sup>45</sup> A re, "Ka 'nete, Ke re ho lōna, le tla lula literoneng tse leshome le metso e 'meli, le ahlola meloko e leshome le metso e 'meli ea Iseraele ka tsatsi leo." Le a bona, ke ntho e 'ngoe, ke tsamaiso ea lefatše e tlang e tlang ho—e tla phahamela ntho efe. Ka hore sebe ha se se sa tla ba teng, empa koana ba tla ba le babusi le ba joalo metseng, mohla tsohle li tla ntšeletsoa ka mokhoa oa Bophelo Bosafeleng.

<sup>46</sup> Empa ba babe ba tla otleloa libe tsa bona, ho ea ka liketso tse entsoeng 'meleng, 'me joale e tla felisoa ka botlalo le ho timeletsoa ka ho feletseng. Joale, hopolang seo feela. Lona ba ntseng ba ngola, hopolang seo.

<sup>47</sup> 'Me le ka mpakela tabeng eo, hore mofuta oa Bophelo Bosafeleng o mong feela, 'me re batla seo; 'me ke Molimo feela o nang le Bophelo Bosafeleng.

Ha ho mefuta e 'meli ea Bophelo Bosafeleng, Bophelo Bosafeleng bo bong, 'me ke phetho se phelang. 'Me hopolang, ngola sena hape ntlheng ea hau: Ntho e 'ngoe le e 'ngoe e entsoeng, e bileng le qalo, e na le qetello. Ntho e 'ngoe le e 'ngoe e bileng le qalo e na le qetello, 'me ke se sa kang sa e-ba le qalo feela se se nang qetello. 'Me ntho e 'ngoe feela e sa kang ea e-ba le qalo, 'me eona e ne e le Molimo. 'Me ke mokhoa o le mong feela oo u ka kenang tsobong, ke ka ho ba le Bophelo Bosafeleng boo ka ho uena. Le a bona? Ke eona feela tsela eo u ka khutlang ka eona, ke ntho e sa kang ea e-ba le qalo. 'Me ha u amohetse Moea o Halalelang, ka ho uena ho ahile Bophelo bo sa kang ba qala 'me bo ke keng ba fela le ka mohla; 'me u ruile Bophelo boo ka ho uena, ke moo u nang le Bophelo Bosafeleng 'me le bara le barali ba Molimo. Le a bona? 'Me u ke ke ua shoa joalokaha Molimo o ke ke oa shoa, hobane u karolo ea Molimo.

<sup>48</sup> Re fumane potso mona nakoana e fetileng, ka mona kae-kae, ea ho rereloa pele, e e khutlisetsa hantle nthong eona eo. U tla u le karolo ea Molimo; 'me haeba Molimo o Ikarotse ka har'a Topallo e kholo eo ea Mollo, 'me maleme ao a manyenyane a tsoile a lula holim'a e mong le e mong oa batho bao, 'me E etsa ntho e tšoanang le kajeno. Re ka e paka ka boiphihlelo ba rona, ka lithuto tsa Bibele, ka lipatlisiso tsa mahlale, ho supa hore ke Hono, hore Molimo o Ikarola har'a batho ba Hae. "'Me kahobane Ke phela, le lona le a phela," Jesu o boletse. Re ke ke ra shoa. Ha ho ntho e kang lefu ho Mokreste; "Hobane ea lumelang ho 'Na, leha a shoele, o tla phela: 'Me e mong le e mong ea phelang, 'me a lumela ho 'Na, a ke ke a shoa le ka mohla o le mong." Le a bona?

<sup>49</sup> "Ho shoa," lentsoe *lefū* le bolela "arohaneng." Joale, 'meleng, re arohana le lehlakore la rona la nama, hobane hoo e sa ntse e le sebe, empa meea ea rona ke ea Molimo e ke keng ea arohana le Molimo, hobane re karolo ea Molimo. Re—re tlisa... Re khutlisetsoa mohopolong oo oa Molimo. Ntho e 'ngoe le e 'ngoe eo Molimo o e etsang e phethahetse 'me ke ea bosafeleng. 'Me mohla mehopolo ea Molimo e neng e tsoela 'muso oa batho ba tla O rapela, eona mehopolo eo ke bosafeleng. Le a bona? E ke ke ea timela le ka mohla. Lentsoe le leng le le leng la Molimo ke Bosafeleng. Jesu o itse, "Maholimo le lefatše li tla feta, maholimo le lefatše 'mohoi li ka feta, empa mantsoe a Ka a ke ke a feta." Le a bona? A lula le Molimo ka bosafeleng. 'Me "Ha le lula ho 'Na le Lentsoe la Ka ho lona..." Le a bona? Re fetoha karolo ea Lentsoe la Hae, karolo ea Bophelo ba Hae, hoba re nama ea

nama ea Hae, le lesapo la lesapo la Hae, le bophelo ba Bophelo ba Hae. Ke moo re ke keng ra timela joaloka ha Molimo ka Seqo o ne o ka timela. Ke seo Moea o Halalelang o leng sona.

<sup>50</sup> Thakanyana le tlohile mona Georgia, Moena Evans. O ile hohle na ha ka bophara. 'Me ke motšehtsi e moholo oa motsoalle oa ka ea lokileng, Oral Roberts; 'me—o ne a tšehtetsa likhaso tsohle tsa hae tsa thelebishene tlase ka mono, 'me o entse lintho tse ngata. Empa a re ho 'na ka tsatsi le leng, a re, "Moena Branham, ke ile koana sekolong sa Moena Jagger. Ke ile hohle; ka qeta likhoeli tse tharo mono. Ke ne ke tsoma; ka ea libakeng, se seng le se seng sa tsona, 'me ea e khutlisetsa morao nthong e tšoanang. Ke sa fumane moo nka kholisehang le ka mohla (le a bona?), haeba ke etsa *sena*, kapa haeba ke etsa *sane*, 'me seo nka se etsang *mona*, kapa na 'na, kapa na ha ke joalo," ho re, "ho fihlela ke utloa lithuto tsa hau." A re, "Eaba hoo ho e rarolotse hang feela le kahohle." "Hobane morapeli ea hlatsoitsoeng libe tsa hae hang ha a sa na letsoalo la sebe" O tlohile lefung ho kena Bophelong, 'me o na le Bophelo Bosafeleng ka hare ho eena bo ahileng mono 'me a ke ke a hlola a shoa joaloka ha Molimo o ka shoa. Hantle feela Bibebe. Le a bona? O hlokometsoe ka Bosafeleng, hobane o na le Bophelo Bosafeleng.

<sup>51</sup> Joale, hoo ha ho bolele hore u ka etsa sebe 'me oa tsoella ka sona, hoba haeba u etsa sebe u otleloa libe tsa hau. Hantle haholo. Empa ha feela Bophelo Bosafeleng bo le teng ka mono, u phela kamehla. Jesu o itse, "Ea utloang Lentsoe la Ka (Santa Johanne 5:24)—ea utloang mantsoe a Ka, ho lumela ho Ea Nthomileng, o na le Bophelo Bosafeleng, 'me a ke ke a tla kahlolong le ka mohla, o se a—empa o tlohile lefung ho kena Bophelong." Le a bona? Bohle... "Ha ho motho ea ka tlang ho 'Na a sa huloe ke Ntate oa Ka pele; 'me bohle ba tlang ho 'Na, Ke... 'Me bohle bao Ntate a 'Neileng bona ba tla tla ho 'Na." Ke hantle. "Bohle bao A faneng ka bona ba tla tla, 'me ha ho le ea mong oa bona ea tla lahleha. Ke tla ba fa Bophelo Bosafeleng le ho mo tsosa matsatsing a ho qetela." (Santa Johanne 6) Oh, ke tiisetso e bokoang hakakang. Le a bona? Joale ha u a tlameha ho tsamaea ka tšabo ho isa lefung le ho ipotsa.

<sup>52</sup> Molimo o re file tiisetso e phethahetseng ea hore re bana ba Hae. 'Me joaloka bana ba Hae, O re khalemela joaloka ha ke khalemela bana ba ka, le lona le khalemela bana ba lona. Ha ba fositse, rea ba khalemela. Ha—ha bana ba ka ba fossa, ke mosebetsi oa ka joaloka ntate ho ba khalemela. 'Me hape, ha bana ba Molimo ba etsa phoso, ke mosebetsi oa Hae joaloka Ntate, 'me O tla u lokisa. Hopola feela seo, u tla lokisoa. Empa ha feela u ntse u le ngoana oa Hae, lefatše le mpe le tlose matsoho a lona ho uena (ke hantle!), hobane O itse, "Ho molemo ke hore leloala le fanyehoe molaleng oa hau, le ho quelisoa metsing bolibeng ba leoatle ho e-na le ho khopisa e mong oa ba banyenyane bana ba lumelang ho 'Na." Ke hantle. Ebe kahlolo

eo e tla ba efe?

<sup>53</sup> Joale, Moena Pat, ho khutlela potsong ea hau. Meea e tsoileng ho monna eo, e mo khannile joaloka lehlanya (le a bona?), o etsa ntho eona eo le kajeno ka ho batho. Le a bona? Ke meeaa eo, likete atisa ka likete. 'Me liabolose o kena joaloka opium e nyenyane feela. Ho tšoana le ha ba nka ngoananyana oa sekolo; ntho ea pele eo ba tla e etsa ke ho mo tsubisa sakerete. Le a bona? Ntho eo e a mo qalis. 'Me ntho e latelang eo ba e etsang, ba tla e matlafala ho feta moo. 'Me ebe, ntho ea pele, e qetella e le matekoane; 'me ho tloha moo, ho ea pele e be bokhoba ba 'nete. E etsa'ng? E a ba hlantsha. Ba hlanya feela, 'me liabolosi o ba qhaulitse. Le a bona?

<sup>54</sup> Ka hona liabolosi o teng ho tsubeng lisakrete. Seo e mpa e le sebopoho sa hae se bobebé. Joale, haeba a bona u le bohlale haholo 'me u tla lemoha seo, a ke ke a tlolela ka nqane ho lisakrete. Le a bona? Ha a mpa a ka u tšoarella mono nako e lekaneng, ho fihlela a ka nka, a ka tima bophelo ba hau, hobane o a tseba hore u ke ke ua tsamaea ho fihlela Molimo o boletse joalo. Empa u tla utloa therò ka mor'a therò, molaetsa ka mor'a molaetsa, le setebele ka mor'a setebele sa eona, le temoso ka mor'a temoso ea eona; 'me ha a ka u phoka feela 'me a tsepamisa kelello ea hau nthong e 'ngoe, joaloka ho ba motho ea tummeng, kapa u tlameha ho e fumana, kapa ntho e kang eo, o u šoarella mono ho fihlela a u hlaotse. Kapa haeba a ka u lumella ho ngolisa kerekeng le ho re, "Ke tla ba motho ea molemo. Ke tla phetla leqephe le lecha. Ke tla fumana . . . Ke—ke nyolohela kerekeng ke ingolise le kereke." Ha a mpa a ka u liehisa tlasa ntho eo, ke phetho seo a lokelang ho se etsa. O se a u qhaulitse, hobane u . . . Jesu o itse, "Ruri, ruri (ke kannete, nete), Ke re ho lona, motho ha a sa tsoaloe ka metsi le ka Moea, a ke ke a kena 'Musong."

Ere ke u bontše se seng. Ke ne ke qoqa le moena thapama ena, Moena Wood, ha re ne re le leetong, kantle feela, ho leka ho phomotsa kelello ea ka, ho qoba ho bua e le ho fumana lentsoe le lekaneng ho bua bosius bona.

<sup>55</sup> Joale, hlokamelang! Re theohela mona 'me re fumana tlhakuhalí e ntle ea poone. Ke lithootse tse phethahetseng ka ho fetisisa tsa poone tse leng teng naheng. 'Me ke tla . . . Be, poone kapa qoapi, seo u batlang ho e bitsa sona. Ke tla—ke tla e isa ka mona Clark County Fair, 'me e ka nkhopela lelente le leputsoa. Ke thootse e khabane ka ho fetisisa ea poone, poone e phethahetseng ka ho fetisisa e leng teng, e kileng ea bonoa. Ke tla ikhapela lelente le leputsoa ka eona. Ke tla e theolela Floyd County; ke tla e isa Harrison County. Ke tla e isa 'musong, 'me ke tla e isa sechabeng. 'Me e hapa lelente le leng le le leng le leputsoa. Ke lijo-thollo tse phethahetseng ka ho fetisisa tsa poone. 'Me boramahlale ka ligalase tsa bona tse kholo, ba e shebisisa, 'me ba e hlahloba, ho bona e . . . Bokaalo ba potashe bo phethahetse, bokaalo ba k'halsiamo bo phethahetse, le—le

mongobo o phethahetse. Ntho e 'ngoe le e 'ngoe e ka har'a tlhaku eo ea poone e phethahetse hantle feela. Joale u re, "Ke tla e lema 'me ke fumane thollo e 'ngoe e phethahetseng ka eona." 'Me u lema ntho eo mobung. Haese ha poone eo, thollo eo e phethahetseng, e-na le kokoana ea bophelo ka ho eona, e tla robala mono e bole, 'me ke pheletso ea eona. Ha e sa tla hlola e tsoha, ho sa tsotelehe hore e phethahetse hakae. E—e ke ke ea tsoha ho fihlela e melisitsoe ka bophelo bo bocha ho eona.

<sup>56</sup> 'Me u ka nka monna . . . Joale, ha ke bolele sena ho thonkha maikutlo, ke mpa feela . . . Ena ke kereke, ena ke tabernakele ea ka, 'me ke lokolohile joaloka nonyana. Le a bona? Joale ke batla hore le hopole, tabeng ena, hore motho a ka loka; a ka lefa karolo ea hae ea leshome; a ka tsepahala; a ka thusa mohlolahali; a ka thusa khutsana; e ka ba setho sa kereke. U ke ke ua fumana phoso e le 'ngoe ka monna eo. Nako le nako ha ntho e hлаha, hantle tlase mokotleng oa hae, o inola peni ea hae ea ho qetela ho e fa mofutsana. O tla—o tla ema le uena mehleng ho le thata. E tla ba motsoalle oa hau mohla bongata boo ho thoeng ke bona bo tlang ho u latolela le ntho e 'ngoe le e 'ngoe joalo; 'me monna eo a ntse a le kantle ho 'Muso oa Molimo haese ha a tlatsitsoe ka Moea o Halalelang, Bophelo Bosafeleng. Ke hantle! E boholokoa hakaalo.

<sup>57</sup> Lebaka leo ke lekang ho supisa kereke ea ka ho bona sena. 'Me ke—ke rapela hore le se nkhopole ke leka ho etsa lintho ka bohlale. Ke—ke leka ho le bolella hore liabolosi o thetsa haholo, hore o thetsa hoo a ka—o tla etsa hore u itšoare joaloka Mokreste. O tla etsa ho hong le ho qopitsa Kreste hantle ho theohela le ho bona Bakhethoa. Bibele e ba boletse ba tla bapa hakana. U tla ba monna ea lokileng. U tla ba le . . .

<sup>58</sup> Joale shebang mona, e reng ke le bontše mehlala e le ho kholiseha joale. Re batla ho e boloka ka har'a Mangolo re sa le holim'a meea ena. Esau e ne e le monna ea khabane ho feta Jakobo kamoo u batlileng ho e nka kateng. Joale, Esau (Molimo o ntšoarele ka tlhahiso ena), e ne e le thellanyane feela. Ke phetho. Joale, ha u ka mo hlokomba, e ne e le eng? Seubaui se senyenyan le raleshano e moholo. Joale, haeba—haeba ke bua hampe, Molimo o ntšoarele, empa o buile leshano. Le moqhekanyetsi, ha ho ea kileng a tšoana le eena le ka mohla. Mohla a nkileng lithupa tseo tse mebalabala a li beha ka metsing ho tsoalisa makhomu le malinku a emereng mono ho tsoala linku tse thoboshana le makhomu a thoboshana, ho ithuela tsona—matsohong a hae . . . O ile a etsa'ng? A mo apesa seaparo sa Esau le letlaloana la nku le ntho e 'ngoe le e 'ngoe, eaba o nyolohela mono, 'me a ikhakanya a iketsa Esau ka pel'a ntata'e sefoufu sa moporofeta. Na ho joalo? Khele, e ne e le senokoane; a hlile a le joalo. 'Me Esau e ne e le . . . ha kea lokela—mohlomong ke ne ke sa lokela hore ebe ke e buile joalo. Le a bona? Ha ke e bolele joalo. Ke—ke tla e khutlisa. O—o ne—. . . e—e ne e le . . . Ha ke tsebe; le tseba seo a neng a le sona. Le a bona? U ka nahana

feela mohopolong oa hau; ke tla . . . E ne e le e—e ne e le monna e moholo oa Molimo, 'me ha ke batle ho bua letho le lebe ka eena (le a bona?), empa ke leka ho supa hanyenyane—linthoana tseo a li entseng. Shebang feela kamoo a neng a thella kateng. Raleshano? Ehlide, o ne a le feela—o ne a tšabeha. Empa o ne a leka ho etsa'ng?

<sup>59</sup> Shebang Esau. Esau e ne e le monna ea lokileng, oa boitšoaro, setho se setle sa kereke kajeno. O ile a etsa'ng? E ne e le setsomi. O ile a tsoa . . . Ehlide mohlang oo, ba ne ba iphelisa joalo. O ne a alositse mehlape ea ntata'e. Ntate oa hae o ne a foufetse. Moporofeta, moporofeta oa Morena o ne a foufetse 'me a thetsoa ke mora oa hae, moporofeta, Isaaka; ka eena ho tla Kreste. U ka 'mitsa moporofeta, Bibele e mo boletse joalo. 'Me a foufetse? Hobane'ng a sa iphekola? 'Me hobane'ng a sa tseba hoba eo ke Esau—ho re e ne e le Jakobo bakeng sa Esau? Le a bona? Molimo ha o boelle baporofeta ba Oona ntho e 'ngoe le e 'ngoe. O ba bolella feela seo O batlang hore ba se tsebe. Le a bona?

<sup>60</sup> Molimo o ne o sebetsa leano mohlang oo, 'me a lokela ho sebeletsa ho lona. Molimo . . . Hola u ka inehela ho Molimo, Molimo o tla u etsa hore u sebeletse hantle morerong oa Oona.

<sup>61</sup> Joale, hlokamelang seo a se entseng, seo thaka lena le se entseng. Esau o tsoile 'me a leka ho hlokomela ntata'e oa mofumanehi, oa motsofe, ea sefofu; 'me Jakobo, ka chebeho, a sa tsotelle se mo hlahetseng. Empa Jakobo o ne a batla ho le hong feela, e ne e le tokelo ea tsoalo. Ho sa tsotelehe se tläng, kamoo a loketseng ho e fumana, o ne a tlameha ho fihla boemong bofe, o ne a thahasella tokelo eo ea tsoalo. 'Me Esau, Bibele e boletse, a nyelisa tokelo ea hae ea tsoalo; Bibele e boletse seo. 'Me Bibele e boletse, "Ekare ha ho kena har'a lona mofebi oa lefeela, joaloka Esau eo ea khopo, ea neng a bapatse ka boholo ba hae ba ho tsoaloa, 'me a reka sejonyana se le seng . . ."

<sup>62</sup> Joale, boholo ba tsoalo ke eng? Ke tokelo. Ke seo ke lekang ho le bolella sona hona joale. Moea o Halalelang ona ke Tokelo ea hau ea tsoalo; eo ke tokelo ea hau ea Tsoalo. Ke tokelo eo u e filoeng ke Molimo. Joale, batho kajeno ba re, "Ke tla ea kerekeng. Ke lokile hakaalo ka motho ea latelang. Empa 'na, na nka itšoara joaloka e mong oa bahalaleli-bathetheli bao? Eseng 'na." Be, Esau tooe! Le a bona? Ke ntho e tšoanang, ho bapatse ka tokelo ea tsoalo. Khele, a e fapanyetsa ka sejonyana. 'Me u e rekisa ma—. . . Ha ke re lona, empa lefatše le e rekisa ka chelete e tlase ho feta moo.

<sup>63</sup> Esau o ne a lapile. Empa, le a bona, hola ho ka baloa ketso e molemo . . . Holane motho . . . Holane ra nyolohela mono ra lika-likia tenteng e—e matsatsi a se makae, re ne re tla fihlala Esau a le . . . Re ka be re khethile Esau. Le a bona? Empa ka pelong ea hae o ne a batla tokelo eo ea tsoalo. O ne a sa tsotelle letho lesele; a batla tokelo eo ea tsoalo. Ke phetho seo a se batlileng.

<sup>64</sup> 'Me Esau a batlile ho ba thaka le letle, le ho hlokomela ntho e 'ngoe le e 'ngoe, le ho etsa tsohle hantle feela, le ho etsa tsohle ka mokhoa feela . . . E ne e le ramolao ea lokileng ruri; Esau o ne a le joalo. A batlile ntho e 'ngoe le e 'ngoe e lokile feela. 'Me Jakobo a batlile ho le hong feela, 'me e ne e le tokelo eo ea tsoalo, 'me ke phetho seo a neng a se thahaseletse. 'Me Esau . . . Na le bona se hlahetseng bashanyana bobeli. Le a bona? 'Me esitile ho Jakobo ho tsoile bapatriareka ba leshome le metso e 'meli ba hlahisitseng, be, meloko e leshome le metso e 'meli ea Israele, ho tsoa ho Jakobo. 'Me a bitsa—'me Molimo oa bitsa Jakobo mora oa Oona ka sebele. Na le bona seo ke se bolelang?

<sup>65</sup> Moea o Halalelang oo eka khona o be bohlokoa ho uena ho feta eng feela lefatšeng, botumo ba hau, bophelo ba hau, mosebetsi oa hau, ntho efe feela. Ha u a tšoanela ho khaotsa ho fihlela u E fumane. U tlameha ho E amohela. Eka khona e fetisise . . . 'Me u re, "Che, ke tšaba bao—bao mosebetsing oa ka. Ke tšaba hore monna oa ka, oa ka . . ." Se tšabe; beha Hoo maemong a pele. Lesa tse ling tsohle ho ikela. E re Seo e be sa pele. "Be, ke lebeletse ho E fumana ka le leng la matsatsi ana, Moena Branham." E seng le leng la matsatsi ana, joale! Ena ke eona nako. "E be Ea ntla pele nka—pele ke etsa ntho efe ese. E re ke E fumane joale!" Ka thohothelo! Hoo ho tla thusa ho araba potso ea rona. U mpa fee—. . . haeba u E tjantjella, u tlameha ruri ho E fumana kapa ho shoa (u a bona?), ke mohla u tla E fumana.

<sup>66</sup> Mojuda e monyenyan e kile a ba motseng mona. Ha ke tsebe haeba le mo tsebile kapa che. O ne a folisitsoe mofetše. Ba ntša—ba mo ntšetsa kantle. 'Me eitseha a kolobetsoa ka Lebitso la Jesu Kreste, ba mo leleka ruri, ba mo beha kantle jareteng. 'Me eaba o tloha a ingolisa le kereke ea Methodise. 'Me ba mo fumana a kolobelitsoe ka Lebitso la Jesu, 'me ba mo beha kantle bosong ba khoamo, leshome tlas'a ntla ea khoamo, koana Ohio; ba mo behela bethe kantle mono (Moena Fleeman, u loketse u be u hopola Moena Vance, ha ho joalo?)—ho mo ntšetsa kantle, kantle mono, le pompo ea metsi kantle mono, le ho re, "Metsi ao a lekane ho u kolobetsoa hape ka Lebitso la Jesu, kea kholoa."

<sup>67</sup> Leha ho le joalo, eaba o mphetela palenyana khetlo le leng. O boletse hore eitseha batho bana *ba itseng*, mosali oa hae—ba ne ba lula le bona . . . 'Me o ne a phahletse thepa eohle ea hae ea khale terakeng ea khale e robekileng 'me a qala a tsoa ka toropo. 'Me mosali oa hae a re, "Na u tsebile ke'ng? Ke tlamehile ke be ke noele metsi pele ke tloha tulong eo." Ho re, "Ke nyoriloe."

Be, a re, "Honey, pompo ea metsi e teng ke eo."

Ho re, "Be, tsoelapele ho fihlela u fihla sebakeng se setle ho feta." Ua bona?

'Me a tsoela pejana, 'me a re, "Pompo e 'ngoe ea metsi ke eane."

Ho re, "Be, tsoela pele feela." Le a bona?

<sup>68</sup> Empa ho re, "Joale, eitseha a tsoela kantle mahaeng, keha ho se pompo ea letho." Ho re, "O ne a fehHelloa feela—ho noa metsi." Le ho re, "Ka mora nakoana, koana tšimong ho e le pompo ea khale ea mapolasing, kantle koana tšimong, ka nqane ho mohlape oa makhomu; 'me o ne a tšaba likhomu." Empa a re, "A re, 'Levi, ke tlameha ho noa metsi feela!'" Kahoo ba—ba emisa koloi. Le ho re, le pele a ka emisa koloi, o ne a tsoile 'me a tlola terata. O ne a tlameha ho noa metsi. 'Me ha Molimo e-ba bonneta hakaalo ho uena, ha u nyoroa joalo, ke Molimo kapa u tla shoa, ha u sa khona ho e mamella hape, ke moo ntho e 'ngoe e tlang ho etsahala. E lokela—u ikakhela ka setotsoana mosebetsing le Molimo lekhatheng leo. Ke mohla u nkang—e a etsahala.

<sup>69</sup> Joale, meeaa ena e mebe e thetsa batho. 'Me meeaa eo, hangata e tletse borapeli haholo. Joale u re, "U bolela, ho tlala borapeli?" E, monghali! Esita le ho ruta Mangolo, Bibele. Ehlide e etsa joalo.

<sup>70</sup> Joale hlokomelang! Jesu o tlie ho sehlopha sa banna e le baprista ba halalelang; 'me ba boloka melao ho isa letereng; 'me e le barapeli haholo, holo. 'Me Jesu—Johanne a ba bitsa, ho re, "Lona malinyane a marabe (tseo ke linoha), le tšositsoe ke mang ho balehela bo tlang?" Jesu ha a ba bona, A re, "Lona le ba ntata lona liabolosi." E ne e le Molimo o buang seo. Hantle feela barapeli kamoo ba khonneng.

<sup>71</sup> Hopola, holim'a—liabolose a nka motho oa hae, empa e seng moea oa hae. Molimo o nka motho oa Hae empa e seng Moea oa Hae. Le a bona? Moea o Halalelang u kena bophelong ba hau le ho halaletsa moea oa hau, le ho phela ka uena, le ho u fa matla a ho phela. Empa ha—ha moea oa hau o tsoela pele, moea oa hau o bolokoa ho Molimo; empa Moea o Halalelang o neng u le holim'a hau u theohela holima motho e mong, le motho e mong osele, le motho e mong . . .

<sup>72</sup> Moea ona o neng o le holima Elia oa theohela holima Elisha, karolo tse peli tsa Oona; lilemo tse makholo a supileng hamorao kapa lilemo tse makholo a robeli hamorao oa fihla ho Johanne Mokolobetsi, ho mo etsisa . . . Shebang kamoo Elia, shebang kamoo Elia a neng a le kateng: leqheku la letonana la monna ea mohoete, litelu li hlahlabetse hohle; letlalo la nku, eka seboko se makhisa, sefahleho sa hae se le joalo, a ntse a qititsa a itlamile ka sekotoana se seholo sa letlalo, senyepa sa hae joalo—a itlamile letheka, ka tsela ena. Holane u ne u ka fumana . . . Holane a ne a ka fihla ntlong ea hau u ne u tla re, "Ooo, khili! Letsetsa mapolesa kapele. Thaka le joalo le eme ka pel'a monyako oa ka." Empa eo e ne e le moporofeta oa Morena. Ehlide bo! 'Me hape, eitsa ha a eshoa, karolo tse peli tsa Moea oa hae tsa theohela holima Elia; 'me lilemo tse makholo a robeli hamorao oa theohela holim'a Johanne Mokolobetsi 'me oa etsisa Johanne joaloka ha ba bang ba entse, hobane E ne e le moea oa Elia.

<sup>73</sup> Joale, efela ha moea oa Elia holim'a Johanne o ka etsa hore

Johanne a itšoere joaloka Elia, Moea oa Molimo holim'a hau o tla etsa hore u sebetse joaloka Jesu. Joale, ke hona moo u fumanang Moea o Halalelang. Le a bona? Ke seo Moea o Halalelang o se etsang. Ho u etsa bonolo, ho etsa hore u ikokobetse, ho etsa hore u tšoarele.

<sup>74</sup> Na ba ka fothola litelu sefahlehong sa hau, hola u ne u e-na le tsona mono, ho li rutla le ho u tšoela ka mathe sefahlehong, athe u ne u le matla ho bitsa e—liligione tsa Mangeloi? Na u ka etsetsa batho bao ka lerato joalo athe ba ne ba u tšoela ka mathe sefahlehong seo? Na u ka e etsa? Haeba motho a ka u atamela 'me a re, "Hela, moikaketsi tooe!" 'me ba u jabela lehlakoreng le le leng la sefahleho, na u ka rapella tšoarello ea bona? Joale, ke hona moo tšepo—sheba haeba u na le Moea o Halalelang kapa che. Le a bona? Motho o bua ntho e mpe khahlano le motho e mong, ka nako e 'ngoe athe o ipolela a na le Moea o Halalelang, "Ke tla iphetetsa ho eena leha eka nkisa letsatsing la ka la ho qetela." Le a bona? Joale, ke moo u hlahlobang mabapi le Moea oa hau o Halalelang. Le a bona? "Le lehlohonolo ha motho a le bua hampe ka bohata ka baka la Lebitso la Ka." Empa uena u tloha ho ea iphetetsa ho bona? Che! "Thabang, le nyakalle, hobane ba hlorisitse joalo baporofeta ba bileng teng pele ho lona." Le a bona?

<sup>75</sup> Ha motho a bua hampe ka uena, bua ntho e ntle. Haeba u sa khone ho bua ntho e ntle ka bona, joale u se ke ua bua letho. E tlohele feela. Le a bona? 'Me hape, ha u kena boinots'ing, u ba rapelle.

<sup>76</sup> Haeba ntho e le 'ngoe bophelong ba ka e nthusitse ho utloisia hore Moea o Halalelang o ne o kene ka ho 'na tlase mono tsatsing leo, e bile seo. Ke ne ke le bohale, ke tuka, ke le Moirishi mahlakore a mabeli. 'Me kamehla ke sa khone ho ja, molomo oa ka o lula o tleberane haeba motho a o tleberantse, ho qhomela holimo moo ke sa lokelang ho tlola teng. Meno a mang a ka a pshatlehile hona joale 'me a tletse moo ke—ke buileng athe ke ne ke sa lokela ho bua (le a bona?) le ho bua lintho . . . Ho kena bothateng kamehla. 'Me ka re . . . Motho a re ho 'na, mosuoe oa ka sekolong, a re . . . Ka re, "Mofumahali, ke—ke—ha ke khone ho ithusa." Le a bona, ke ne ke kena mathateng ka linako tsohle. 'Me ka re, "Ha ke khone ho ithusa." 'Mè Tempele oa khale oa batho, o sa tsoa ea Khanyeng tsatsi le leng.

'Me a re, "Be, sheba Honey." A mpeha mafareng a hae, 'me a nkuka liphakeng tsa hae le ho qalella ho lla. Lekhetlo la pele nkileng ka fuoa lerato joalo ke motho, mosali-moholo. O ile a llela holim'a ka feela. A re, "Billy, ke tlil'o u etsetsa ho hong, Honey; ke tla u fa sekotoana sa khole." 'Me a re, "Ha e mong oa bashanyana a u qhomela . . ."

<sup>77</sup> A mpitsa "sekhothola-poone," hoba ke ne ke tsoa Kentucky, le a tseba, 'me—"me . . . ke ne ke—ke hlile ke apere hampe. 'Me

ba soma moriri oa ka, o batla o lepeletse hakaalo ka hona joale, 'me o tletse hohle sefahlehong sa ka. 'Me ke kene nakong e bohloko feela, le a tseba. 'Me—'me ba ne ba nkotla 'me ba njabela. Enereha ha motho a tlala mabifi, o ne a pota, a nqotse feela, 'me a njabela ke oela fatše. 'Me ke 'na enoa ke etla. Le a bona? 'Me e—ka hona—le ho loana. 'Me re etse—re ne re iphetetsa, ka ba ka loana ka thipa le ntho e 'ngoe le e 'ngoe.

<sup>78</sup> Le ho nka sethunya sa Winchester le ho leka ho thunya ka sona, ho se pompela holima bashanyana ba bane kapa ba bahlano, ka ho nkotla ho fihlela ke sa khone ho ema. Nka be ke bolaile e mong le e mong oa bona hoja e ne e se ka Molimo. Ka phutha likhaketlana fatše ka li laisha ka har'a sethunya; tsa thunya hantle joalokaha li kile tsa etsa. Le a bona? Nka be ke bile 'molai oa banna ba bahlano, mohlomong, kapa bashanyana ba bahlano.

<sup>79</sup> Ke batla ke le lilemo tse leshome le metso e 'meli feela, mabifi a tlokileng! 'Me mosuoe a re, "U nke khole ena e nyenyane, Billy, 'me neng ha u hlanya, u eme feela u tlame mafito a robong kholeng eo." Ho re, "Ha u etsa joalo, u ntlisetse khole eo. Ke tšepa hore mabifi a hau a tla fela."

<sup>80</sup> Ka re, "Mof. Whalen, ke nahana hore u mosa haholo." Ka re, "Ke—ke tla e leka." Le a bona? (Kapa Mof. Temple; ke bua ka Mof. Whalen. Ka re Mof... Mongh. Whalen e kile ea eba mosuoe holimo mona.) Kahoo ka—ka kenya khole pokothong ea ka. 'Me ke eso qete metsotsa e mehlano ka jareteng motho e mong a be a se a nkoela holimo. Be, ka tloha—ka sebetsana le bona, le a tseba. Ka nanabela ka ntša khoele ea ka; ka qala ka hlamela lefito le le leng; ka lahlela khole fatše 'me ka tloha. Le a bona? Ke sa khone ho e etsa feela. Le a bona?

<sup>81</sup> 'Me ka re, "Ha ke sa tla ba Mokreste le ka mohla." Empa e reng ke le boelle, bosiusg boo tlase koana Ohio Avenue mohla Moea o Halalelang o nong o kena ho 'na, eaba ho felile ka mabifi a ka. Eaba ho felile ka seo. Ka re, "Ke ne ke sa tl'o e khona. Nke ke ka ba Mokreste le ka mohla, ke sa khone ho hlola ntho eo," ka re, "ntho e itseng e tsoetsoe ka ho 'na." Ka re, "Moshemane, ntate oa ka o ne a le manganga; le—'me 'mè oa ka, halofo ea Leindia, mabifi a lekaneng ho loantša saga e molumo." Ka re, "Na? Oh, ke... Moshemane, mang le mang ea mpharumelang o ntekane; ke phetho." Ka re, "Le ha nka tlameha ho hloa lere ho ea ba otla," ka re, "ruri ke tla e etsa." Le a bona?

<sup>82</sup> Empa joale, u ka nkhulela ka ntla mono 'me oa nkotla 'me.... Le a bona? Hobaneng? E seng 'na! Ke leka ho hlahisa ntlha efe mona? Ntho e teng e etsahetseng. Matla ao a khale, William Branham oa khale o shoele, 'me eaba ho kena Motho e mong. [Sekheo lebanteng—Mohl.] 'Me A etsa hore ke utloele sera sa ka bohloko. Ha motho a ntšiteloa, ha ke rapele khahlano le bona, ke a ba rapella. 'Me ke hona moo Moea o Halalelang o hlahisitseng

teko eo bosiung bo bong New England, pele sena se etsahala tlase mona. Mohla seo—mohla A neng a fana ka matla, ha thoe, “Bua feela seo u se ratang ho batho bao.” Seo ba neng ba se entse... ‘Me ka sheba tlase mono, ’me ka re, “Ke a le tšoarela.” Ke hantle seo A neng a se batlile. Le a bona? U tšoarele lira tsa hau. Le a bona? Ena ke meeaa e u etsang khopo. Behang meeaa eo leihlo.

<sup>83</sup> Motho ke enoa a etla a feta. A le holimo mono ka lebitleng. Motho e mong ha a feta, a mathe ’me a ba phothome, Bibebe e boletse. Ho se motho—a le kotsi ho se motho ea ka fetang ka tsela eo. Empa ka tsatsi le leng ha feta Matla a fetisang ka boholo. O ne a hapuoe ke lehloeo, lonya, liabolosi, legione la bona le itsamaea hohle, thaka la senatla. Ba ne ba tsoela koo, ’me ba nehela lebotho, ba mo tlame ka mahlaahlela; ’me a khaola liketane. ’Me liabolose o ne a le ka ho eena. E ne e le eo. E ne e le ntho e itseng. Esale a—esale e le khalala ea ’nete ea Sekolo se Phahameng sa Jeffersonville. Ehlide o ne o tla ba joalo! E ne e le eo, ntho ena eohle e kholo... Kapa bacha ba bang bana, le a tseba, “Oh, ke monna oa sebele.” Ke bone monna ea boima ba liponto tse makholo a mabeli a se na le ounse ea monna ka ho bona. Ntho eo ha se monna, ke leqaba. Le a bona?

<sup>84</sup> Empa tsatsi le leng thakanyana le lekokoto la theoha ka tsela, a batla a kobame (Bibebe e Mo tlalehile ho ne ho se botle bo ka re khahlisang, a le lilemo tse mashome a mararo ’me a shebeha a le mashome a mahlano), a theosa tseleng ka letsatsi le leng. ’Me a tsoa a matha ho Mo khahlanyetsa. Ho re, “Ke tla tšoara mothoana eo feela ke mo tšophahanye.” Empa, oh khili, eitseha a kopana le Eo, a itihela maotong a Hae. Matemona ao a ne a mo hapile hakana... Joale shebang. Letsatsing leo... O ne a hapuoe ke liabolosi hakana...

<sup>85</sup> Joale sena, ke batla ho kenya sena ho—molemong oa lona. O ne a—monna eo o ne a inehetse liabolosi ka bottlalo hakana, liabolosi o bile a sebelisa leleme la hae ho bua. Joale, u ka inehela ho Molimo ka bottlalo Molimo oa ba oa sebelisa leleme la hau ho bua. Ke hantle! Ke seo ke se tsekang. Thero efe eo nkileng ka e rera e bileng le molemo, keha ke ne ke inehela, ho tlosa William Branham tseleng, ’me Kreste a ka kena ’me a qale a bue. Le a bona? ’Me A ka bua ka puo.

<sup>86</sup> Joale hlokamelang. O ne a hapuoe ke moea o mobe oo, ’me moea o mo patahantse ho fihlela... Matemona ao a tsebile hoba nako ea ’ona e tlie, hoba a ne a kopane le lerato. Le a bona? ’Me a re, “Re tla mo leka.” ’Me tsohle... Joale, hlokamelang se etsahetseng. A re, “Khele, rea u tseba na u mang. Hobaneng u ahile ’mejaneng o monyenyan hakana, mothoana ea fokoloang feela?” Ho re, “Hobane u e tla ka mokhoa oo?” A re, “Rea u tseba u mang. U mohalaleli oa Iseraele, ’me hobaneng u ka...?” (Joale hlokamelang! Haeba u sa lumele botubong bo tleng ba batemona, mamela ana ha a ipolela.) “U tlela’ng ho re hlokofatsa

nako e-so fihle?" Ba tseba nako e tlang ea tlhokofatso. "U tlela'ng ho re hlokofatsa pele nako e fihla?" Le a bona?

'Me Jesu a re, "Lebitso la hau u mang?" O tsebile; O ne a batlile hore ba ipolele lona.

Ho re, "Re Legione, hoba re bangata." A re, "Haeba u tla re leleka ho monna enoa . . ."

<sup>87</sup> Shebang, mothakanyana oa mokherane ea kang Jesu ea emeng mono (le a bona?), le monna ea neng a ka shashara lebotho; mahlaahlela a sitiloe le ho mo thibela. Le a bona, ha se matla a 'mele. Ha se sona se bohloko. Ho bohloko ke matla a Moea o Halalelang a ahileng bophelong ba hau. Le a bona?

<sup>88</sup> A re, "U se ke ua re hlokofatsa pele nako e fihla; empa feela ha u ka re leleka . . . (Shebang bokhopo ba ona, bolotsana.) Haeba u tla re leleka, u se re tlohele feela kantle lefatšeng re lokolohile, hobane ho thata ho bolela hore re tla kena mothong e mong kae. Haeba u re leleka . . . Re batla ho aha ka ho motho ea itseng; re batla ho etsa ho hong; re batla ho etsa bolotsana bo bong hape." Eo ke liabolosi. "Ke tla mo fumana. Hmm!" Le a bona? Eo ke liabolosi. "Ke tla iphetetsa ho eena." Le a bona? Hopolang feela, ke moena oa lona ea emeng mono, empa liabolosi o kene ho eena. Le a bona? "Tloong re etse ntho e mpe. Re ka iphetetsa ho Bagarasene bana ba mona ka lebaka la sena," ekaba moetapele o itsalo, e mong oa ona. Ho re, "Tloong re theohele kahara mohlape oo oa likolobe."

<sup>89</sup> Jesu o itse, "Tlohang. Empa tsoang ho eena!" Oh, khili! Mothakanyana ea mokaalo a ntse a buisana le legione le leholo leo la matemona. "Tsoang ho eena! Le ka ikela." 'Me a kena likolobeng tseo, 'me a li hlantša, a li tšoarisa sethoathoa. 'Me ke tseo li lepella li toba noka, 'me tsa noela nokeng, tsa ikhamisa metsi ka nokeng. Na ha ho joalo?

<sup>90</sup> Joale, hoba li etse . . . Ehlide matemona a ne a tsoile ho tsona, hoba likolobe li ile tsa shoa. Ea li hlahafatsa. Tsa hlahafala joaloka mang kapa mang. Ana le bone motho ea mabifi? Be, hoo feela—ke seo e leng sona feela. Ke batemona bao feela. Ke sona se li hlahetseng. Na le bona e mong oa bona ea sefitahlohoana sa mabifi, u re, "Uh huh, ke tseba se etsahetseng Gadara joale." Le a bona? Ke eona hantle feela. Ho kene a 'maloa feela ka mono, a mo hlants'a ka botlalo; ehlide ngaka e tla u bolella hore mabifi ke khato ea pele ea bohlanya. Ke seo Mayo a se buang, khato ea pele ea bohlanya.

<sup>91</sup> Moena Pat, mohlomong e ne e khohlighetse. Ke bokhabane boo ke bo tsebang, e ne e sa lebelloa. Ho lokile.

## 102. Baroma khaolo ea 7, temana ea 25.

<sup>92</sup> Ke tlameha ho . . . Ke lebetse, ke e shebile tsatsi le leng ha ke ne ke e fumana, empa ke lebala feela seo e leng sona. Tloong re arabe potso ea motho enoa ea ratehang haeba re ka khona.

Baroma 7:22, ho lokile, kapa :25, ke kopa tšoarelo. Baroma 7 . . .  
Ke phetlile maqephe a mabeli hang. Lebaka leo e . . .

*Ke leboha Molimo ka Jesu Kreste Morena oa rona.  
Ha ho le hore—ho le joalo ka kelello—ka e—kelello ke  
sebeletsa molao oa Molimo; empa ka nama molao oa  
sebe.*

Joale, emang motsotso. Ha kea bala seo hantle feela.

*Ke leboha Molimo ka Jesu Kreste Morena oa rona.  
Kahoo joale ka kelello . . . (E, ke hantle.) . . . Ke sebeletsa  
molao oa Molimo; empa ka nama molao oa sebe.*

<sup>93</sup> Ho lokile. Ke hantle seo Pauluse a se buileng khafetsa. Ha ke rata ho etsa botle, bobe bo se bo le teng. Le a bona? Ke hantle seo u se etsang le uena. *Ka kelello ea hau*, eo ke pelo ea hau. Le a bona? Joale hopola, ha u nahane ka kelello ea hau; hape ha u bone ka mahlo a hau. Le uena ha u joalo . . . U—u bona ka pelo ea hau. Na le tsebile seo? Na u tsebile hore pelo ea hau e na le motho e mong ka ho eona ea hosele le uena? Mahlale a sa tsoa e fumana lilemong tse ka bang 'ne tse fetileng, le a tseba. Phaposi e nyenyene, ba re soule e phela ho eona.

<sup>94</sup> Ana le kile la utloela ka letsoalo? Ha u qala u etsa ntho efe, 'me u nahana, "Oh, ke ntse ke haola ka holim'a eona feela," empa letsoalo la hau le u bolella ntho e fapaneng.

<sup>95</sup> Ba ka nka moutulla- leshano . . . Ke bona motsoalle oa ka ea lokileng, Leqoetha Robinson, a lutse ka morao. 'Me ha ke tsebe haeba a e bone e etsoa kapa che, empa ke tsoatsoile ke e fumane—leka—ka e hokeloa khetlo le leng, mabapi le Lengeloi lena la Morena mona. 'Me ba u hokela moutulla-leshano, 'me u leka ka hare—ho ipolela ka bokhoni bohole boo u bo tsebang, ka bokhabane boo u ka e etsang, hamonatjana le ka boreeli, hore ha u a etsa *hore-le-hore*—senokoane. Moutulla-leshano eo o tla khutla a chalametsa hantle 'me a re u leshano. Le a bona? Hobaneng? Ho thothomela ha methapo ea hau eo ba e qhautsa holim'a moutulla-leshano eo. Le a bona? E—e tla u bolella. Hobaneng? Motho ha a etssetsoa ho bua leshano qalong ea hae. Ke sebe le liabolosi holima hau tse u buisang leshano. Le a bona?

<sup>96</sup> U ne u sa—moloho oa hau ha se ho bua leshano. Ke ka lebaka leo u tlamehang ho phela hape, hobane u ne u bopeloe, u bopetsoe ho phela kamehla, ho phela molebe. Empa le a bona, sebe se kene 'me sa tlisa lefu 'meleng. 'Me ka hona, ha sebe se kena 'me se tlisa lefu 'meleng, joale ehlide, 'mele o loketse ho shoa. Empa 'ona, ka mono ho ka aha Bophelo Bosafeleng, ha seperete se fetotsue ka ho uena 'me u na le Bophelo Bosafeleng. Molimo O tla tsosa 'mele oo hape ka tsatsi la ho qetela. O boletse O tla e etsa.

<sup>97</sup> Kahoo ka kelello ea ka—kelello . . . O buile sebakeng se seng, "Ke nahana hore ke ruile mohopolo oa Kreste." Joale, ka mohopolong oo u sebeletsa—ka mohopolo oa Kreste u sebeletsa

Molimo. Le a bona, bokahare (le a bona?), bokahare, u sebeletsa Molimo. Selikeng seo, ke hona moo tumelo e ahileng teng.

<sup>98</sup> Ke batla ho le botsa. Na ho kile ha fihla khafetsa ho lona batho ka mona, bongata ba lona le bone mohla le neng le—oa tseba feela hore ntho e 'ngoe e tla etsahala. Ea bonahala e se ntho e ka etsoang, empa oa tseba feela hore e tla etsahala. Na le kile la fumana ntho eo? Eo ke tumelo eo, bokahare boo bo sebetsang.

Joale, haeba ho futhumala ho feta ka mona, le ka bulella ntho eo tlase mono, haeba le batla u futhumala ho feta.

<sup>99</sup> Joale, bokahare boo ka mono (le a bona?), ke hona moo mohopolo oa hau... Joale Jesu o itse, "Motho ha a sa tsoaloe labobel... " (Joale, ha se seo ke neng ke se batla.) "Ruri, ruri, Ke re ho lona, motho ha a sa tsoaloe la bobeli a ke ke a *bona* 'Muso oa Molimo." Joale, u ke ke oa bona 'Muso oa Molimo, hobane 'Muso oa Molimo ke Moea o Halalelang. "Ba bang ba emeng mona ba ke ke ba latsoa lefu pele ba bona 'Muso o etla ka matla," A rialo. Joale, "'Muso oa Molimo," Bibele e boletse, "o ka hare ho lona." O ka hare ho lona, Moea o Halalelang, 'me ha u khone ho bona hoo ka mahlo a hau. Kahoo *bona* e bolela "ho utloisia."

<sup>100</sup> Na u kile oa sheba ntho efe, ho e sheba hantle, ho re, "Che, ke mpa ke sa e bone feela." Le a bona? "Ha ke e bone feela." U bolela hore ha u e utloisia. Le a bona, le a bona? Ha u e utloisia. *Ho bona* ke "ho utloisia." Empa u sheba eng le eng ka mahlo a hau. Empa ka se leng ka hare ho uena, u utloisia ka sona, u bona ka seo. Le a bona? Ka mahlo a Molimo u a talima.

<sup>101</sup> 'Me joale, tšoara ntsha ea hau joale. E ntle ke ena haeba u itokiselitse eona: Mokreste o sheba lintho tseo a sa li boneng ka mahlo (le a bona?), hobane re sheba tse sa bonoeng. Le a bona? U e talima joang? Ka mahlo a hau a ka hare. U bona ka tumelo. 'Me joale, ho paka seo: lihlomo tsohle tsa Bokreste li entsoe ka makhabane a sa bonahaleng. Lihlomo tsa Bokreste ke eng? E mong o re, "Ho lumela ke ho bona." Motho eo e ke ke ea e-ba Mokreste, hobane lihlomo tsa Mokreste li entsoe ka sena: lerato. Na le kile la le bona? Le le bone ka liketso, empa ha u eso bone lerato. Haeba u khona, hotolla karolo ea hau ea lerato 'me e re ke bone kamoo le shebahalang kateng. Le a bona? Lerato, lerato, thabo, khotso, mamello, molemo, bonolo, tumelo—tumelo, mosa (le a bona?); lihlomo tsohle tsa Bokreste ha li bonoe ka leihlo la nama, empa e utloisia ke pelo! Ke uena eo. Ke uena eo.

<sup>102</sup> Pauluse o itse ke hona, "Ka kelello ea ka . . ." ("Me ke ruile mohopolo oa Kreste, le a bona, a rialo.) Ke sebeletsa Molimo ka kelello ea ka, empa nama ea ka (kana o e buile joang qetellong?)—empa ka nama, molao oa sebe." Ke eng? Nama ea ka e a bua bosiusing bona, "U khathetse haholo. 'Metso oa hau o opa haholo. U a—u tsamaile kantle moeeng kajeno. U ke ke ua ea kerekeng bosiusing bona." Oo ke molao oa nama. "U ka mpa oa ba letsetsa oa bolella Moena Neville seo . . . Romela lipotso 'me u mo bolelle

hore a li arabe.” Empa, le a bona, ke tsepisitse ho e etsa. Le a bona?

<sup>103</sup> Joale, mohopolo oa ka, ka hare Moea o Halalelang o itse, “U boloke tsepiso ea hau.”

Empa nama e itse, “U khathetse haholo.” Le a bona?

<sup>104</sup> Joale, nama e re, “Joale, ha ho hloka hale, uena nthoana e ntlenyane, u nthoana e ntlenyane ka ho fetisisa sekolong. Joale, u se ke oa tsotella mmao eo oa mo mohalaleli ea thet hehang kapa ntate eo ea hlanyang. U a bona? U ngoanana ea motle ka ho fetisisa sekolong.” “U moshanyana e motle ka ho fetisisa, moshanyana ea shebahalang hantle ka ho fetisisa, ea shahlileng ka ho fetisisa. U tumme ka ho fetisisa motseng.” U a bona? Seo—seo . . . ‘Me u ntoo nehela litho tsa hau nthong eo, ‘me u qetella hokae? Ntlhana e nyenyane ea lenaka nako le nako. Le a bona?

<sup>105</sup> Pauluse o itse, “Nama ea ka e a batla—e batla ho inehela seo kamehla.” Le eona nama ea hau e etsa joalo. Le a bona? Empa molao oa Moea oa Molimo o ka pelong o hlola nama ‘me o etsa hore ‘mele o mamele seo pelo e reng se etsoe. Alleluia!

<sup>106</sup> Shebang, joale haeba e ka etsetsa moetsalibe hoo, na e ke ke ea sebetsa le maloetseng? Molao oa Moea oa Molimo ka pelong o tsebang seo “Re folisitsoe ka maqeba a Hae,” ba ema ka matla a bona ‘me ba etsa hore maloetse ao a ‘meleng oo a ba mamele, hobane ke liabolosi. Ke uena eo. Whew! E letse mafi a matenya hakaalo holima eona. Kea u bolella. Ke phetho. Le a bona?

<sup>107</sup> Joale, molao oa sebe le lefu o sebetsa nameng ea hau, empa molao oa Moea oa Bophelo o sebetsa pelong ea hau. Kahoo pelo ea hau, moea oa hau u ka pelong ea hau o tla etsa hore ‘mele oa hau o mamele seo u se bolelang ho etsoa. Ke hantle feela. Joale, ke seo Paulose a se boletseng. Ka mehla nama, “Ke khathetse haholo; ha ke khone; ke a haelloa; ha ke khone ho e etsa.”

Ke itse ho—ho Loyce kapa—kapa Delores, kapa motho e mong ea neng a ntse a bua le ‘na ka Moea o Halalelang, mabapi le ntho ena kapa eane, ka re—ho re, “Ke eng . . .”

Delores o itse, “Ke eng—ke eng se entseng hore ke ikutloe joalo feela nakong eo athe ke ne ke lokela ho ikutloa ke thabile?”

<sup>108</sup> Ka re, “Liabolosi. O u bone u itokiselitse ho e amohela feela. A re, ‘Ke tla mo nyahamisa: Phew! Ho mo fehlela moea hanyenyane, ua tseba, ho mo kokobetsa hanyenyane.’ Le a bona? Empa oh, khili, ke mohla u tsohang! Tseka litokelo tseo u li filoeng ke Molimo.” Ke seo Pauluse a neng a se bolela. Le a bona? Eona . . . ‘Kamehla ha,’ a re, “ha ke rata ho etsa botle, bobe bo teng.”

<sup>109</sup> Ke tla le bolella hore le etseng. Ke hlokometse sena, ‘na le mohatsa ka . . .’ Me ke tla potlaka feela ho khutlela teng, hoba ke sa na le metsotso e ‘maloa hape, ‘me ke na le lipotso tse ling tse

kholo mona. Ha ke batle ho le ts'oarella halelele, empa ke batla ho nka lipotso tsa lona ka bokhabane kamoo nka khonang.

<sup>110</sup> Hlokomelang! Nka qala hoseng, 'me ka re ke a tloha, Morena o ntataisetsa sebakeng se itseng bakeng sa kopano, be, moena, u shebe feela sohle se etsahalang. Kapa e re ke fihle lapeng, 'me ho kena mohala o itseng o molelele. Joale, ke loketse ho rapella bakuli. Joseph e monyenyanne o tla hloella hantle holim'a molala oa ka. Sarah o tla batla ho mpotsa potso. Becky o tla qala ka piano. Ke re, "Sh, sh, sh!" Ho hoehla ka letsoho la ka, "Hei, sh, sh, sh, ke tlilo—Ntate o il'o rapella bakuli."

"Be, Ntate, sheba; Joe o entse sena . . ." Ua bona? E re e qale feela. 'Me hang ha thapelo e fela, ba nka libapalisoa tsa bona 'me ba mosa 'me ba bapala. Ke liabolosi. Ruri ke eona.

<sup>111</sup> 'Me ke ntoo khutla ke re, "Joseph, ha u a lokela ho etsa *ntho* e itseng." 'Me le a tseba, ntho ea pele le a tseba, o se a tloaetse. 'Me u tla fihlela bana ba hau, ba tla u thetsa. Be, ke moea oa leshano holim'a lesea leo. Pheko ea eona e 'ngoe feela. Thupa ea sethunya ha se mohopolo oa ka, u a tseba, re ne re shapuoia ka ramrod, Moena Jess. Enere ha re kene—kene—re kene mathateng re ne re ntša ramrod ea lithunya tsa khale, thupa ea hickory, le a tseba, tse laeshang melomo ea sethunya. Oo ha se ona mohopolo. Empa thapelo, lelekela liabolosi eo e mobe hole le ngoana eo. Ke hantle. Thapelo e etsa joalo.

<sup>112</sup> Ha Martha e monyenyanne a qala a tila ka leotoana la hae, a matha a etsoa, a penamisa nkoana ea hae, u ka mo tula ho fihlela a se na liaparo; o ne a tla e etsa leha ho le joalo. Empa ak'o namalle ka pel'a Molimo ho tseka soule ea ngoana eo Molimo. E tiisetse hantle feela mono. Ke lumela e le ntho e molemohali eo ke e tsebang. E, monghali! Ke eona pheko e molemohali eo ke e tsebang, ke thapelo.

**103.** Joale, ha re boneng. Joale e latelang mona e re, **Ho boleloang ka ho rereoia pele lefatše le qala; e hokae ka Bibeleng?** Boitherelopele lefatše le eso ho qale.

<sup>113</sup> Ho lokile, motsoalle oa ka ea ratehang, ha re phetleng ho Baefese khaolong ea 1 sebaka se le seng feela. Re ke ke ra nka nako e ngata ho ena ha ke kholoe, haese ha e sa arabeloe hantle. 'Me ha re qaleng ho bala mona ho Baefese khaolo ea 1.

<sup>114</sup> Joale, ntho ea pele, ke batla ho bolela sena, *boitherelopele* ke lentsoe le lebe ho moreri ho—ho sebelisoa ka pel'a phutheho e sa koetlisoang. Le a bona? Ho joalo. Ha ke le sebelise. Ka linako tse ling mona kerekeng . . . Empa kantle har'a bamameli, kantle nthong e kholo . . . Moo e—ntho e 'ngoe le e 'ngoe e hatellaneng e kena ho tsoa hohle, Ke beha lentsoe leo leihlo. Kamehla ke sebelisa lentsoe *boitsebelopele*, hobane boitherelopele e mpa e le boitsebelopele ba Molimo feela. Molimo e leng mohlokapeletso, ka boitsebelopele O tsebile ntho e 'ngoe le e 'ngoe, ho seng joalo ha se mohlokapeletso. Le a bona, le a bona? O tsebile se neng

se tla etsahala. Ka hona ka boitsebelo-pele O ne o ka rera esale pele. Ke lona lebaka leo ke lumelang hore Molimo—hore Molimo ha o etse feela . . .

<sup>115</sup> Feela joaloka moea oo u o hemang; Ha ke lumellane le Paki ea Jehova ka mohopolo o reng phefumoloho ea hau ke seperete sa hau. Ho ke ke ha eba joalo. Le a bona? Seperete sa hau se ka pelong ea hau. Le a bona? 'Me u fumane seperete sa hau le pele u eba—u e tla lefatšeng le ka mohla. Molimo o boleletse Jeremia hore O mo tsebile, 'me oa mo halaletsa, 'me oa mo etsa moporofeta holim'a sechaba—holim'a lichaba le pele a emoloa popelong ea 'mae (le a bona?), Jeremia 1:4.

<sup>116</sup> Joale hlokamelang. Ka hona re bona lintho tsena tsohle e le boitsebelopele. Lilemo tse makholo a supileng le leshome le metso e 'meli pele Jesu a tsoaloa—pele Johanne a hlaha, Esaia a 'mona ponong, a re ke lentsoe la ea hooang lefeelleng—lilemo tse makholo a supileng le leshome le metso e 'meli. Ho tloha tšimong ea Edene, Jesu Kreste, pele lefatše le theoa . . .

<sup>117</sup> Joang . . . ? Tloong re bale sena. Baefese 1, ha re qaleng feela khaolong ea 1 joalo—kapa temana ea 1.

*Pauluse, moapostola . . .* (Joale hlokamelang kamoo a buang ka sena. Ke rata tsela ena ea Paulose. Ke rata Pauluse, lona? Oh e ne e le mohlanka ea khabane oa Kreste. Joale shebang sena.)

*Ke le Pauluse, moapostola oa Jesu Kreste ka thato ea Molimo, ho bahalaleli ba Efese, le . . . batšephei ho Kreste Jesu.*

<sup>118</sup> Hlokamelang, sena ha se a lebisoa lefatšeng; sena ha se lebisoe ho motho ea ka ntle. Sena se lebisitsoe ho Kereke e leng ka ho Jesu Kreste (oh, na seo ha se ratehe?), Kereke e leng ka ho Jesu Kreste. Hoo joalo . . . O kena joang ka ho Jesu Kreste joale? Ka Moea o le mong re kolobeletsoa bohole 'Meleng o le mong. Joale—Joang . . . 'Me—'me taba ena o e lebisitse ho batho ba tlatsitsoeng ka Moea o Halalelang (le a bona?), ha se ho lefatše le kantle.

*A le ke le neoe ho mohau, le khotso, ke Molimo Ntata rōna, le ke Morena Jesu Kreste.*

*Ho bokoe Molimo Ntata rona—Molimo le—Ntata rona oa Morena oa rona Jesu Kreste, o re hlohonolofalitseng libakeng tsa leholimo—le mahlohonolo a moea libakeng tsa leholimo ka ho Kreste!*

<sup>119</sup> Oh, khili! Na ha u rate ho lula ho tse ling tsa tsona? Be, rona ehlile bo. Ehlile! Oona Moea o Halalelang. O boletse joale, kamoo le lutseng 'moho libakeng tsa Leholimo ka ho Kreste Jesu, Molimo o re hlohonolofalitse ka mahlohonolo 'ohle a moea, Khaitseli Rose. kea lumela—hoo—hoo ke . . . Ke—ha ke a khona ho hopola lebitso la hau tsatsi le leng. Ke lumela u ne u kene moleng oa thapelo kapa ho hong. 'Me ke—ke hopola ke leka ho le

nahana hamorao, 'me ka—empa lebitso la hau ke Rose Austin, na ha ho joalo? Ke ho... U ne u tloaetse ho tla mona tabernakeleng ka linako tsohle. Ke eona. Ho lokile. Joale:

*Ho bokoe e—e Molimo oa Ntata rona... Jesu Kreste, o seng o re hlohonolofalitseng ka mahlohonolo 'ohle a moea... moea 'ohle-... libakeng tsa leholimo... (Ha re boneng haeba ke ntse ke bala hoo—ho e qotsa hantle.)*

*Ho bokoe Molimo, Ntata Morena oa rona Jesu Kreste, o re hlohonolofalitseng ka mahlohonolo 'ohle a moea maholimong ho Kreste Jesu: (Ho phutheha joale libakeng tsa leholimo ka ho Kreste Jesu.)*

*Kamoo o... (Joale mamelang! Na le lokile kaofela?)... Kamoo o seng o re khethetseng ho 'ona kateng pele... (Ke le boleletse.)... pele lefatše le theoa,...*

<sup>120</sup> Joale, le a bona, a ka bua le Kereke. A ke ke a rialo ho masea, empa o bua le Kereke e seng e le ka ho Kreste. Joale, o ne a ke ke a tsoela mona kerekeng e itseng feela le ho re, "Joale, seo." Ke Bakhethoa bao ba leng ka ho Kreste.

<sup>121</sup> Joale, u re, "Be, ke lumela hore ke ka ho Kreste." Haeba u le joalo, u amohetse Moea o Halalelang, hoba e le eona feela tsela eo u ka kenang ka ho Kreste. 1 Bakorinthe 12:13 (Le a bona?)—Bakorinthe ba Pele khaolo ea 12. Ho lokile. "Hobane ka Moea o le mong re kolobeletsoa bohle 'Meleng o le mong (e leng 'Mele oa Kreste)." Joale! Joale re lula 'moho libakeng tsa leholimo ka khopolo e le 'ngoe (Hmm!), Moea o Halalelang o tsamaea har'a rona, ho re ruta, ho re bontša lintho tse kholo, ho phethahatsa lintho. Oh, ke sebaka se se kakang!

<sup>122</sup> O itse, "Joale, lona ba bitsitsoeng joalo, ke batla ho bua le lona, lona, bakhethoa. Hore Molimo o re khethile ka ho Oona pele lefatše le theoa." Nahanang ka seo. Molimo o re khethile ka ho Oona pele lefatše le theoa. Molimo o tsebile pele lefatše le theoa hore ke tla bua sehlooho sona sena bosiung bona. Ha O na pheletso. 'Me pele lefatše le eba teng... Oh! Whew! Mona, fumana Moea o Halalelang joale. Lentsoe le tla O tlisa. Le a bona? O tla joalo: "Eare Petrose a sa bolela mantsoe ana Moea o Halalelang oa theohela holim'a bona." Le a bona, le a bona?

<sup>123</sup> Pele lefatše le e ba teng u ne u le mehopolong ea Molimo ho u nea Moea o Halalelang, hoba O tsebile u ne u tla O batla; 'me A u khetha ka Sebele hobane u ne u lakalitse... O le khethile ka ho Kreste pele uena kapa Jesu, mang oa lona, a eba lefatšeng. 'Me A romela Jesu ho shoa, ho hleka tsela ho romela Moea o Halalelang, ho u tlisa ho Eena. Hmm! Oh, hoo ho mpa feela... Kea tseba e ka ba ke... Ena ke kereke, ka hona ke lapeng joale, le a bona. Oh, hoo ho ruile haholo ho 'na. Ho nahana hore ha se seo ke neng ke se batla; e ne e se litakatso tsa ka; e ne e se thato ea ka; e ne e se khetho ea ka; Ha kea ka ka amana le eona ka letho. Empa

pele lefatše le qala, Molimo o ile oa re bona 'me oa bea mabitso a rona Bukeng ea Bophelo ea Konyana. Esita le pele lefatše le e-ba teng! Le bua ka Molimo! Whew!

<sup>124</sup> Nkile ka ema kantle koana moo galase eo e kholo... U ka bona lilemo tse limilione tse lekholo le mashome a mabeli tsa sepakapaka sa leseli. Eitseha ke sheba 'me ke bona seo (ha kea khona ho bona ka galase, empa ke bone setšoants̄ moo ba se nkileng)—'me ka tlameha feela ho phahamisa matsoho a ka mono, sebakeng seo, 'me ka re, "U moholo hakakang, U moholo hakakang!" 'Me le pele efe ea lipolanete tseo e ka phethoha (Alleluia!), Molimo o re khethile ka ho Jesu Kreste. Joale, U moholo hakakang. E, monghali!

<sup>125</sup> Pele lefatše le eba teng, pele polanete e ba teng, pele letsatsi le e ba teng, le pele khoeli e ba teng, pele leseli le e ba teng, pele ntho efe eba teng, mohla e sa leng Molimo, Molimo le mehopolo ea Oona, menahano ea bosafeleng ea Molimo e le khethile ka boitherelopele, ka boitsebelo-pele, ho tseba hore u ne u tla ba holim'a lefatše, ho tseba hore sebe se ne se tla ba teng.

<sup>126</sup> E mong o itse, "Joale, hobane'ng—hobane'ng ha sebe se bile teng?" Hola sebe se sa ba teng, tholoana ea Oona e ka be e sa fetoha Mopholosi le ka mohla. Moetsalibe o ne a loketse ho hlaha hore E tle e be Mopholosi. Monna ea kulang a loketse a be teng hore E tle e be Mofolisi. Amen! Ke moo. E ne e loketse joalo. E ne e le Molimo o—o e bone le ho e rera esale pele. Le peisong liabolosi ha a bonahale. Oh, e mpa e le kutu e pel'a tsela eo Molimo o e sebelisitseng ho tlisa bana ho Oona, ho lla, "Abba, Ntate." Ha ho makatse mohlang oo kamoo Mangeloi a tlang ho bina! Mohla re binang lipale tsa topollo, Mangeloi a tla kebisa lihlooho; a sa tsebe seo re buang ka sona. Ehlide! Ha e-so lahlehe le ka mohla. Ha a tsebe seo e leng sona. Ha a tsebe re thabile hakae, ho tseba hore rōna bao pele re neng re le baetsalibe 'me re le basele ho Molimo, re se na tšepo, re se na mohau, re se na Molimo lefatšeng la bobolu, re ne re shoa, re ea liheleng tsa liabolosi; 'me Molimo oa inama, 'me oa re phahamisa, 'me oa re lopolla; 'me joale re kaholim'a Mangeloi. Hona joale!

<sup>127</sup> Ke efe? Lengeloi ke mosebeletsi. Rona re bara le barali. Ea nkeloang holimo ke ofe, mohlanka oa hau kapa mora kapa morali oa hau? Oh, khili! Thapelo e tsoang ho mohalaleli e tla phahamela ea Lengeloi makhetlo a milione ho feta (e, monghali!), hobane eena ke mora. Oh, whew, ke hantle, moena oa ka, khaitseli.

<sup>128</sup> Ha u...Kereke...Ha ke lumele hore mose o koano oa—oa bosafeleng re tla eleloa seo u leng sona le ka mohla, boemo ba lona, boo Molimo o le beileng ho bona, lona batho ba tlatsitsoeng ka Moea. Le bara ba Molimo. Khele, Lengeloi ke mosebeletsi. Uena u mora! Lengeloi le ka u tlisetza molaetsa feela, empa uena u tlameha ho nka khato. Amen! U setšoants̄si temeng. Uena u

mora. Lengeloi ke mohlanka oa hau, ho u tlisetsa molaetsa, ho re, "Mona, ke u tliselitse molaetsa ona hore u etse *hore-le-hore*. Taba ena e tsoa ho Ntate. Ke u tlisetsa oona." E. Ke phetho seo le leng sona. Amen! Lona le bara le barali ba Molimo. Re ne re reroepele! Joale, hlokomelang motsotso feela.

*Kamoo o neng o-o re khethé... (Joale, ha rea khetha... Ebe nka Mo khetha joang? Lilemo tse libilione tse makholo a mane, milione, bilione, litrilione tse fetileng, ebe ke ne nka Mo khetha joang? Empa O nkhetile. Amen! Oh, Moena Wood, ke phetho. Le a bona?) ... o re khethile ka ho 'ona ho eso theoe lefatše, hore re tle re halalele... (Joale, u se leke ho iketsetsa eona, hobane u ke ke oa khona.) ... re hloke sekoli pel'a 'ona leratong:*

Oh, moena, taba eo e tla araba potso eo ke e boneng mona metsotsong e 'maloa e fetileng. Kae-kae ke—ke e bone feela... Oh, e.

**U itse... Motho a ka phela joang kaholim'a... ho phela haufi le Molimo, a hloke sebe?**

Mamelang sena:

*... halalela... ho tloha motheong oa lefatše, re tle re halalele, re hloke sekoli pel'a 'ona:*

<sup>129</sup> Ke lerato la Oona le e entseng. Lerato la Oona le ntefetse libe. Lerato la Oona le e tlositse. Lerato ke matla a maholo ka ho fetisia a leng teng. Nka monna ea hlileng a ratang mosali oa hae, a ka mo shoela ka bolokolohi. 'Me lerato la boena...

<sup>130</sup> Monna o kile a ba teng, monna ea itseng, o tlide kerekeng ena hang ka nako, kantle naheng. O ne a lutse tlung ea moena oa hae ka letsatsi le leng. A re "Ho ka thoeng ha ntho e ka hlahela Moena Bill?" A re, "Ruri nka ntša sefuba sa ka ho totometsa kulo sebakeng sa hae." Le a bona? Ho u shoela. Ke lerato leo. Ha ho lerato le fetang la motho ea ka nehelang bophelo ba hae bakeng sa moena—moena oa hae. Le a bona?

<sup>131</sup> Lerato, re khethiloe leratong pele lefatše le theoa. Joale shebang:

*Re ne re reroe pele... (Joale, lentsoe leo boitherelopele ke leo.)... Hoba re ne re reroepele ho beoa bana ka Jesu Kreste ho 'ona, ho ea ka—ho ea ka boithatelo ba thato ea 'ona.*

<sup>132</sup> Ho ka thoeng ka taba eo, Moena Mike? Na hoo ha ho babatsehe? O u ratile. O u ratile pele lefatše le eba teng. O tsebile tlhaho ea hau; O tsebile mefokolo ea hau; O tsebile mekhoa ea hau. O tsebile tsople ka uena, seo u neng u tla ba sona. 'Me hape, eitseha A sheba bophareng ba bokahohle bo boholo, kamoo ho etsahetseng, O itse, "Ke khetha uena." 'Me eitseha A etsa hoo, le pele hlasenyana ea—ea leseli e ka ba teng, mohlang oo u ne u le

bosafeleng 'moho le Molimo. Ha u amohela Moea o Halalelang, u fetoha bosafeleng, hobane u—u 'moho le Molimo, u karolo ea Molimo. Na le bona seo ke se bolelang? U bosafeleng joaloka Molimo, hobane u a . . .

<sup>133</sup> Ke Branham hakaalo ka ha ntate e ne e le Branham, hoba mali a ka ke Branham. Ke Branham 'moho le ntate oa ka, hoba ke tsoetsoe ke ntate oa ka. Ke Branham 'moho le eena. U Wood, hobane ntata'o ke Wood. U Wood joaloka Jim Wood; u Banks Wood feela. Amen! Oh, khili! U Neville hobane ntata'o e ne e le Neville. U Neville hakaalo ka ha e ne e le Neville. Khanya! Re bosafeleng hakaalo ka Molimo, hobane re karolo ea Molimo, bara le barali ba Molimo, ba na le Bophelo Bosafeleng, 'me ba ke ke ba timela le ka mohla. "Ke tla e tsosa ka letsatsi la bofelo."

<sup>134</sup> Ha ho makatse mohla ba neng ba itokisetsa ho khaola hlooho ea Pauluse kantle mono . . . O ne a lokele ho tsamaea tseleng eo ea lefu. O ngoletse Timothea lengolo, ho re, "Ke loanne ntoa e molemo; ke qetile sebaka; ke bolokile tumelo! Ho qala joale ke beetsoe moqhaka oo Moahloli oa ho Loka a tla 'nea 'ona ka tsatsi lela, e seng 'na feela, empa bohole ba ratang ho hlaha ha Hae."

Eaba lefu le re, "Ke tla u phallel."

A re, "Tsenene ea hau e kae?"

Lebitla la re, "Ke tla u fumana."

<sup>135</sup> Ho re, "Tlholo ea hau e kae?" Empa o ne a tšoere mohlala. O ile a hetla mane Kalvari le ho re, "Empa ho lebohuoe Molimo o re fang tlholo ka Morena oa rona Jesu Kreste." Ke uena eo. Hmm! E tlameha ho fuluha maikutlo; e tlamehile feela.

<sup>136</sup> Bophelo ke . . . Lentsoe le a tsoa. Bophelo, lentsoe bophelo le tšoara Bophelo, 'me ka hare ho motho ntho e tlamehila ho hoeletsa.

Ua tseba, motho e mong o itse, "Billy, batho ba etsisoa ke'ng hore ba phahamise matsoho a bona kapa ho re, 'Ho rorisoe Morena!' kapa 'Amen!'" Shebang seo Bibele e se buang.

<sup>137</sup> Pauluse o itse, "Haeba re buile ka lipuo tse sa tsejoeng, e be ea sa rutehang . . . Haeba a hlohonolofatsoa—haeba a hlohonolofatsoa, o ne a ka rialo joang, 'Amen'?" Le a bona? U tlameha ho tseba seo u buang ka sona. Lipuo tse sa tsejoeng, haese ha koahollo e hlaha kapa tšenolo . . . Joale a ka re, "Amen!" haeba a ka e utloisia. O tseba seo a se buang. Le a bona?

<sup>138</sup> Joale! Oh, khili! Shebang mono mohla sera se neng se kena ho thibella Davida. 'Me a neha bohole kaofela lekuka la veine le—le e—e leqa le monate la nama le bohobe. 'Me—"me mohla sera se neng se etla, keha ba sa tsebe seo ba ka se etsang; 'me ba phuthehela kantle mono; 'me Baiseraele bohole ba phutheha 'moho tlás'a lebollo. (Joale, mona ke tlás'a lebollo la khale la Bajude.) Eaba ba phahamisa matsoho 'me ba re, "Molimo, U Molimo oa rona. U re sirelelitse. U rometse Moshe moporofeta,

'me U ntšitse bana ba Iseraele Egepeta. U ba nyolotse har'a lehoatata. Eare ba sa robetse mono, ho ne ho se motho ea tšabang ho—bohle ba tšaba ho ba ama, ha ho motho ea atametseng lefa la Hau. Ba ne ba tšaba ho etsa joalo." Koana ba ne ba le palo e fokolang, empa e mong le e mong a tlosa matsoho a hae ho bona. Ntho efe e neng e ba hlahela, ebile ea khutla ho hlaba hape. A re, "Oh, U Molimo o moholo hakakang. 'Me joale, Morena, haeba re entse sebe . . . Basali ba rona ke bana; bana ba rona ba banyenyane ke bana; 'me re tsietsing horeng ena." Ho re, "Oh, re ka etsa'ng? Sera se a tla." A re, "Re ka etsa'ng?"

<sup>139</sup> 'Me ea re ba rapela Moea oa theohela holim'a e mong kantle mono har'a letšoole, 'me a porofeta, "HO RIALO MORENA, le ke ke la loana; emang feela! (Amen!) Theohang ka tsela e *itseng* 'me le khahlane le bona mono." 'Me A hlahisa pherekano har'a bona, 'me ba bolaeana. Hmm! Ke uena eo. Ba reretsoeng pele ho khethoa ka ho Kreste Jesu pele lefatše le theoa. Joale.

**104. U itse motho a ka phela haufi le Molimo hoo a ke keng a  
etsa sebe a sa le lefatšeng lena. U ntano hlalosa Johanne oa  
Pele 1:8 ho ea ho 10.**

<sup>140</sup> Ha re boneng Johanne oa Pele 1:8 ho ea ho 10. Holane ke na le nakoana ho sheba tsena . . . Ke ne ke e fumane, empa ha kea e nka, metsoalle. Ke—ke ne ke leka ho—ho tsoa . . . Be, ke tla fumana Johanne ka mor'a nakoana. E tla—e ka lehlakoreng le leng la Baheberu, ehlile. Ho lokile. Johanne oa Pele 1:8 ho ea ho 10—Johanne oa Pele 1:8 ho ea ho 10.

*Ha re bolela . . . ha re na sebe, rea ithetsa, 'me 'nete ha e eo ho rona.*

*Ekareha re ipolela libe tsa rōna, o a tšepahala 'me o lokile ho tšoarella . . . libe tsa rona, le . . . ho re hloekisa bokhopong bohle.*

*Ha re re ha re a etsa sebe, re mo etsa leshano, 'me lona lentsoe ha le eo ho rona.*

<sup>141</sup> Joale, ema moena oa ka ea ratehang. Phetla hantle feela ho khaolo ea 3 mona le temana ea 9. U leqepheng lona leo hantle ka Bibeleng ea ka. Temana ea borobelis ho qala ka:

*Ea etsang sebe ke oa liabolosi; hobane liabolose o entse sitiloe ho tloha qalong. Mora oa Molimo o bonahalitsoe ka morero oo, e le hore a senye mesebetsi ya liabolose.* (Hantle seo esale ke bua ka sona feela, le a bona, Molimo o rera esale pele, o a u tseba.)

*E mong le e mong ea tsoetsoeng ke Molimo ha a etse sebe; hobane peo ea 'ona e lutse ho eena: 'me a ke ke a etsa sebe, hobane o a—o a—hobane o tsoetsoe ke Molimo.*

<sup>142</sup> Ke seo Lentsoe le se bolelang. Joale, ha u ka sheba mona.

*Haeba re re . . . ha re a etsa sebe, re o etsa ea leshano, 'me lona lentsoe ha le eo ho rona.*

Joale, batho ba bang ba re, "Joale, ngoanana ea lokileng kapa moshanyana ea lokileng ke enoa. Ha ba e-so etse sebe le ho qaleng." U tsoaletsoe sebeng, u bopetsoe bokhopong, u tlile lefatšeng u bua mashano. Ha u tsoalloa lefatšeng lena, u raleshano, u lesholu, u tsohle tse leng teng, sebe sohle feela, e seng lesholu, hobane ha u e-so utsoe. Empa u a—empa u na le... Ha u raleshano, hobane ha u e-so bue leshano. Empa moea oo o ka ho uena ha u tsoaloa, hobane u oa lefatše. Lebaka leo u ke keng oa hlabolloa, ho hlabolla; u tlameha ho shoa le ho tsoaloa. 'Me u ke ke oa fumana tsoalo kantle ho thakhiso. U ke ke oa fumana tsoho; U tlameha ho thakhisoa linthong tsa lefatše ho tsosoa ka ho Kreste.

<sup>143</sup> Haeba u tla itšetleha ka mehopolo ea hau—ea hau ea bohlalefi le joalo-joalo, ha u ka ke oa tsoaloa ke Moea oa Molimo le ka mohla. U tlameha ho lebala, joaloka ha Pauluse a entse, tsohle tseo a kileng a li tseba, le ho se tsebe letho har'a lona haese Kreste Jesu, le ho tsoaloa bocha, hape. Oh, haeba... Mona... Hoja nka e fetisetsa ho lona. Le a bona? Ke tsoalo e etsang o mocha molok-... popo e ncha. Lona lentsoe la Segerike mona, ha ke ntse ke le sheba bukeng ea Segerike e hhalosang mantsoe ka letsatsi le leng, lentsoe *tsoalo* le bolela "popo." Ha e re, "Le—libopuaa tse ncha ho Kreste Jesu," lentsoe le teng mono, *sebopuaa* ke lentsoe *pōpo*. U *pōpo* e ncha, e seng lefatšeng, empa ka ho Kreste Jesu. U nchafalitsoe.

<sup>144</sup> Joale, u ne u le lefatšeng le ho re, oh, u a tseba, lintho tse majabajaba, liaparo tse ntle kapa ntho e 'ngoe e ntle. 'Me, "Bah!" Borapeli bo ka thoko. Le a bona? "Oh, ke kena kereke, ehlile. Ha ke batle ho ea liheleng, empa u a tseba..." Le mahlo a matle a masoothoana ho ngoanana, kapa moririnyana o litšohlo ho moshanyana, kapa o motle haholo, u a tseba, ntho e 'ngoe eseles, ntho e itseng feela ho hohela maikutlo, kapa takatso e feteletseng, kapa ho noa, kapa ho hong kapa ntho e 'ngoe. Ke lefatše leo; u a—ufatše. 'Me Bibebe e boletse, "Ekare ha u rata lefatše le lintho tsa lefatše, lerato la Molimo ha le eo ka ho uena." Kahoo ho ntša ntho eo ho uena, u tlameha ho shoa, ho shoa, ho thakhisoa, le ho patoa, le ho tsosoa u le 'mopo o mocha ho Kreste Jesu.

<sup>145</sup> Joale, pele u amohela Moea o Halalelang, u lumella *nqa* Bopheleng Bosafeleng. Empa haeba u na Bophelo Bosafeleng hofihlela u amohela Moea o Halalelang, hoba Ke Bophelo Bosafeleng. Moea o Halalelang ke Molimo; Ke Bophelo ba Molimo ka ho uena. Ebe moo u nang le Bophelo Bosafeleng. Le utloisia seo joale? Le a bona? Bonang! Le a bona? U lumella *nqa* eo.

<sup>146</sup> Emang, ntho e ntla ke ena. Lona basali le ntšoarele haeba e utloahala e bataletse (le a bona?)... ho etsa ntla. 'Mè: bophelo bo teng, empa feela, ngoana eo ha a e-s'o tsoalo. Empa ha u tšoara lesea leo hantle 'me u sala melao ea tlhaho morao, lesea

leo le tla tsoaloa le tloaelehile. Empa haeba u sa sebelise melao ea tlhaho, u lumella letetetso le thata, kapa kotlo, kapa—kapa ntho e itseng ho etsahala, le—le—le tla le senya (le a bona?); le tla bolaea lesea pele le hlaha.

<sup>147</sup> Che, ke eona taba. Matetetso a tsoa ho Satane. Satane o tšoara metsu e chefu ea lihele 'me o leka ho tetetsa Kereke e feheloang pelehing ka lesea. 'Me le pele le ka tsoaloa, ba le bolaea. Empa ha feela u nka Bibele 'me u le holisa ka eona—ho jesa lesea, 'mè o noa livithamini... Be, ena ke Vithamini e ntle ka ho fetisisa eo ke e tsebang, Vithamine ea moea. Le a bona? E a u haha.

<sup>148</sup> Joale, kereke e loketse e be e ja Livithamini tsa moea; 'me Livithamini li teng mona hantle, Buka eohle e tletse tsona. 'Me u tlameha ho ja Livithamini tsa moea, ho ithuta, 'me hoo ho fihlisa lesea pelehing. Na le bona seo ke se bolelang?

<sup>149</sup> Joale, thakanyana leo, ka nako le—le—le na le bophelo—le—le na le bophelo, ehlile liselenyana li ntse li thanya li rahaka ka mor'a likhoeli tse ka bang tharo le—kapa tse 'ne. 'Me joale, o ntse a rahaka a sisinyeha empa ha a e-so tsoaloe. Empa hang feela ha a tlisoa lefatšeng, ngaka, 'mè, kapa motho e mong, o a mo phahamisa le [Moena Branham o opa liatla tsa hae—Mohl.] a mo patlotse hanyenyane. "Whaah!" Ke eo a tloseletsa (le a bona?), 'me o qala a hema. 'Me hang feela ha a hema phefumoloho ea bophelo, e-ba moea o phelang.

<sup>150</sup> 'Me ke eona ntho eo ka linako tse ling... Na u itokiselitse ho amohela Moea o Halalelang? U a fehelo; u batla ho tsoaloa. Ba bakae ka mona ba sebopehong seo hona joale, ba batlang kolobetso ea Moea o Halalelang, ba batlang ho tseba seo e leng eona ruri, ba batla ho kena—kena ho eona? Ke mang ea batlang kolobetso ea Moea o Halalelang? Phahamisang matsoho a lona. Le a bona? U a fehelo, u batla—u batla ho hlohlolloa. Seo u se hlokang ke ho patlotsoa ka Evangel, nthoana e itseng e [Moena Branham o opa liatla tsa hae—Mohl.], 'me u a hoeletsa, "Khanya!" 'Me ha e etsahala... Kea tseba le nahana hore kea hlanya, empa rona—re ruile mohopolo oa Kreste oo e leng bohlanya ho lefatše leha ho le joalo. E teng ntho e hoeletsang ka hare, ebe moo Moea oo o tlallanang ka ho uena. Ebe O lula o e tla feela.

<sup>151</sup> Joaloka ha ke boleletse motho, ho joaloka phaephe ea khale e katehileng. 'Me u e hlohlotsa ka teratanyana, ebe u tšoara terata ena, "Tsiki, tsiki, tsiki." 'Me metsi ke ao a phalla ka bongata a leka ho feta ho eona. "Tsiki, tsiki," ha u khone ho a fumana, empa u a tseba ntho e teng holimo mono. U ka e utloa; e teng ka ntlheng eane. Ka mor'a nakoana o e hula haholo, 'me, "Swoosh!" metsi a horometsehela ka har'a phaephe. Litaba li joalo. Ke moo metsi a sa khaotseng ho 'na a e tla. Le Moea o Halalelang o joalo. Sebe se katilie liphaephe. U—u a khutla le ho re, "Ke boi. Ua tseba, nke ke

ka rialo feela. Kea tšaba batho ba ka nkhopola ke le mohalaleli-mothethehi.” Le a bona? Hoo ke . . .

<sup>152</sup> Joale, ha u utloa khulonyana eo ea Moea . . . U E batla ho feta bophelo—u batla ho feta bophelo ba hau ka sebele. E bohlokoa ho feta ho uena: “Ke lokela ho O fumana kapa ke shoe.” Ntho ea pele u a tseba u tšoara ntho e itseng. U re, “Ke eona, Morena.” U katolla o hula sepako. Whew! Ke enoa e tla! E tlohile! Oh, khili! Ntle le moputso! Ooh! Khele, ha ke tsotelle haeba Mopresidente Eisenhower a ne a lutse mona. nka re, “Khanya ho Molimo, Mali a Hae a tla u pholosa.”

<sup>153</sup> Petrose le bao ba ne ba le motšeо koana mane Pentekosta ba ipatile, ba re, “Nanyang le hloelise kantle ho monyako, ho bona haeba ho se Bajude bao kantle mono ba tlang.”

“Che. Ha ke bone le ea mong oa bona.”

“Ho lokile, khutsang, mathaka, kea le bolella, ha ba ka nyolohela mona, ba tla re hulela kantle. Ke phetho se leng teng. Lula haufi.”

<sup>154</sup> Bohle ba ne ba lutse mono, ’me hang ha hlaha molumo o tsoang Leholimong o kang oa moea o fokang ka sefefo. Oa qala oa tlala ntlu eohle eo ba lutseng ho eona. Ntho e ’ngoe e qala e etsahala. Ba ile ba tsoa mohahong oo; ho bula menyako, ho theosa litepisi tseo ba keneng ka tsona mono ba thekesela joaloka sehlopha sa banna ba tahiloeng tlas’ a tšusumetso ea Moea, ho hoeletsa feela le ho tsoelapele.

<sup>155</sup> Ba re, “Banna banna ba tahiloe. Ba mamele. Shebang lekoala leo le shebileng kantle ho monyako, lona le latotseng Jesu tlase koana thakhisong. Ho re, ‘Ke ne ke bile ke sa Mo tsebe.’ Mosali e monyenyan a re, ‘Be, puo ea hau e a u pepesa. U e mong oa bona.’” Ho re, “A rohakana, ho re, ‘Ha ke Mo tsebe.’”

<sup>156</sup> Empa eitseha sepako seo se katolloa, mohla Moea o qalang o phalla, a re, “Lona banna ba Judea, le lona ba ahileng Jerusalema, le ke le tsebe taba ena, ’me le ’mamele. (Amen!) Ke mookameli. Ho ke ho tsebjoe ke lona; batho bana ha ba taho. (E le ho emela kereke ea hae.) Batho bana ha ba taho joalokaha le lekanya, etsoe esale le hora ea boraro ea letsatsi, empas ena ke taba eane e boletsoeng ke moperofeta Joele: ‘Matsatsing a qetelo, ho bolela Molimo, Ke tla tšela nama eohle ka Moea oa Ka . . .’ Um-m-m, phapang e kakang! Whew! Che, kea tseba u ka nahana ena e le ntho e mpe, empas ke—ke—ke tlameha ho u lumella ho bona seo e leng ’Nete. Lula le Lona.

<sup>157</sup> Joale, ruri, u na le Bophelo Bosafeleng.

<sup>158</sup> Joale, ho hlalosa sena. Sena, bolela . . . “Ha re re ha re a etsa sebe (‘Bohle ba entse sebe ’me ba haelloa ke khanya ea Molimo’) re etsa Molimo ea leshano.” O itse u entse sebe. Haeba u re ha u a etsa sebe . . .

<sup>159</sup> “Ke—e hlahetse kerekeng ea Baptise, kereke ea Methodise, kereke ea Pentekosta, kereke ea Presbeteriene; ke tsoetsoe . . .” Hoo ha ho etse phapang le letho, u tlameha ho tsoalloa kantle ho eona hape. Ke hantle. Ha re re ha re a etse sebe, u Mo etsa leshano. ’Me Lentsoe, e leng ’Nete . . . Ke ba bakae ba tsebang hore Lentsoe ke ’Nete? “Lentsoe le ne le le tšimolohong . . .” ’me Lentsoe le ne le etsoe nama, ’me Lentsoe . . .” “Ba halalestse, Ntate, ka ’Nete. Lentsoe la Hau ke ’Nete.” ’Me E ne e le Lentsoe. Le a bona? “’Me Lentsoe, kapa Kreste, ha eo ka ho uena.” E ne e le Lentsoe. Ba bakae ba lona ba tsebang seo? Le a bona? Ho lokile.

<sup>160</sup> Re tla e bala ka tsela ena ke hona: “Ha u re ha u a etsa sebe, u Mo etsa ea leshano, ’me Kreste ha a aha ka ho rona.” Le a bona, le a bona? Joale, hoo, le a bona, ha u bolela hore u entse sebe . . . hore ha u eso etse sebe, u fositse. U tlameha ho tsoaloa labobeli.

<sup>161</sup> Joale, re tla phetla mona temaneng e ’ngoe ena. “Ea . . . Ea tsoetsoeng ke Molimo ha a etse sebe, ha a etse sebe, hobane . . .”

<sup>162</sup> Joale sebe ke eng? Ke mang ea boletseng hoo, motho ea itsen? Ho se lumele. Ke seo Bibele e se boletseng. Sebe se seng feela, ’me ke ho se lumele. Ke hantle. “Ea sa lumeleng o se a ahlotsue.” Le a bona? Kahoo rona, sebe se le seng sa ’neta.

<sup>163</sup> Joale, ha u re, “Joale, ema motsotso. Ke lumela hore mohlomong ba fumane Moea o Halalelang joaloka matsatsing ao, empa ha ke lumele hore e joalo.”

<sup>164</sup> “Empa, moena, Bibele e itse, ‘Pallo e etselitsoe lona le bana ba lona.’”

“Kea tseba, empa . . .” U ntse u etsa sebe. O etsa sebe hantle mono. Ha u lumele seo Molimo o se boletseng.

“Jesu Kreste eena maobane, kajeno, le kamehla.”

<sup>165</sup> “Che, lekhale, re rutoa seo . . .” Ha ke tsotelle seo le se rutoang. Bibele e boletse—O itse, “Lentsoe la motho e mong le e mong e be leshano, ’me la Ka e be ’neta.” Ho lokile.

U re, “Hantle, O—ho latela litaelo O a tšoana, empa ha ke . . . U bolela hore O a tšoana?”

“E-ea, ka har’ a Kereke ho etsa tsona tseo A li entseng mehleng ea Hae mona.”

<sup>166</sup> “Oh, ha ke lumele seo.” U ntse u etsa sebe. U ntse u etsa sebe. ’Me ea tsoetsoeng ke Molimo, ka Moea o Halalelang, ha a bue lintho tseo. ’Me ha a re o na le Moea o Halalelang ’me a bua lintho tseo, ke bopaki ba hore ha a na Oona. Ha ke tsotelle seo a se entseng. Haeba a sa lumele pholiso e Halalelang, a sa lumele Matla a tsoho, a sa lumele hore Moea o Halalelang o tšolleloa holim’ a rōna hantle feela joalokaha O entse mongoaheng oa pele, eena Molimo oo maobane, kajeno, le kamehla, tsona lintho tseo baapostola ba li entseng li etsahala hona joale, ho bua ka lipuo, le ho nyakalla, le lintho tsena tse ling tsohle; ha ba sa lumele seo,

ha a tsoaloa ke Molimo. Hobane e mong le e mong ea tsoetsoeng ke Molimo ha a etse tse joalo. U ka bolela joalo haeba ba tsoetsoe ke Molimo.

<sup>167</sup> Ha u nyolohela ho motho le ho re, “Ngk. Ph. *Sekete-kete*, Reverende Ngk. *Sekete-kete* (athe ho itoketse, ekare nka be e apesitsoe, digarata), empa na pholiso ea Khalalelo e loketse ho ntšeletsoa ka hara kereke joaloka ha baapostola ba entse?”

“Che, che, che!” O ntse a etsa sebe. Ke mosalumele. Ke hantle.

<sup>168</sup> U re, “Na u lumela hore re amohela Moea o Halalelang joaloka ha ba entse mona? Ke ne ke bala ka mona Bibeleng ho Liketso 2 moo E ba boletseng ba ne ba . . . le ho tšollela Moea o Halalelang, ’me ba thekesela e ka ba tahiloe, ’me ba tsoela mono ’me ba bua ka lipuo tsa batho bana, le lintho tse kang tseo; ba itšoere joaloka batho ba tahiloeng, ’me kereke ea ba hopola ba tahiloe. Ha re amohela Moea o Halalelang kajeno ka har’ a kereke ea Baptise, Baptise ea rona, Methodise ea rona, Presbeteriene ea rona, e ka bang eng, u se—ha ke bone re ka etsa joalo.”

“Be, ke a u bolella, ngoana, e ne e le baletsoe ba leshome le metso e ’meli feela.” O ntse a etsa sebe. Ha a tsoaloa ke Moea oa Molimo, hobane Bibele e itse, “Ea tsoetsoeng ke Moea oa Molimo o a sitoa hore a se lumele. Ke molumeli, ’me a ke ke . . .” Hobaneng? Hobaneng? Oh, ke ena moo e leng teng. Leeba le ka ho eena, le mo etella pele. Hobane Moea oa Molimo o ka ho eena, ’me a ke ke a Le latola; a ke ke a khona. Haeba e le Moea oa Molimo, Molimo o ke ke o a latola Lentsoe la Oona ka Sebele. Haeba nka latola lentsoe la ka, joale ke ba raleshano. ’Me haeba—’me ha u itlaleha o na la Moea oa Molimo ’me u latola Lentsoe la Molimo, ekaba ke Molimo o leshano kapa uena u leshano, enoa kapa eane. ’Me Bibele e boletse, “Lentsoe la motho e mong le e mong e be leshano ’me la Ka e be ’Nete.” ’Me motho ea tsoetsoeng ke Moea oa Molimo a ke ke a latolana le Lentsoe la Molimo; o loketse ho Le tlaleha le lokile. A ke ke a etsa letho le sele. Whew! Ena ke—ena ke ’Nete.

<sup>169</sup> Mamelang, ere ke bale sena hape.

*Ea tsoetsoeng ke Molimo ha a etse sebe; hobane eona peo . . .*

<sup>170</sup> Peo ea Molimo ke eng? Tšepiso eo Abrahama a e filoeng, peo, ho peo. Peo ke eng joale? Kreste. Na Kreste ke Peō ea Molimo? E ka ba Peo ea mang haeba E se eona? Ho lokile, ho lokile. Ke Peo ea Molimo.

<sup>171</sup> Peo ea Molimo e lutse ho eena. Moea o Halalelang o tlel ho aha, e seng ho tloha kopanong ho ea kopanong, empa ka ho sa feleng. Joale, ha u batla ho ngola Lengolo la hau bakeng sa sena, Baefese 4:30: “Le se ke la soabisa Moea o Halalelang oa Molimo oo le tšoailoeng ke ona hofihlela letsatsi la topollo ea lōna.” Peo

ea Molimo e lutse ho eena, 'me a ke ke a etsa sebe, hobane o tsoetsoe ke Molimo. O a sitoa ho se lumele Lentsoe la Molimo.

<sup>172</sup> Joale, ha u bona monna a hanana le Lentsoe la Molimo 'me a re, "Oh, seo se ne se baletsoe mongoaha o mong," athe pallo e etelitsoe mang le mang ea batlang a tle, hopolang feela, ke mosalumele 'me ha se oa Molimo.

Re ka mpa ra emisa mona, na ha rea lokela? Ke nako mang? Oh, khili! Ke fumane—ke—ke feela—ha ke batle ho khutlela mona Sontaha. E reng ke nke tsena feela, ruri, ka potlako ruri. Na nka khona? E ntle haholo feela. Ha le nahane e le ntle? Oh, Lentsoe la Molimo. Ho lokile.

**Moena Branham, motho o lokela ho etsa'ng . . .** Ereng ke e koetle ho qetella ka eona, ho nka ena mona.

### 105. Re tla nka setšoano sefe tsohong?

<sup>173</sup> Ka moo re neng re le kateng ha re ne re theoha. Hantle feela, tsoho . . . Feel—a nahana feela ka sena. Buka *ena* e oela fatše, 'me ke nka buka *ena*, buka e fapaneng, le ho e fapanyetsa. Eo ha se tsoho. *Tsoho* ke ho "nyolla eona ntho e theohileng." Na Jesu o ile a tsosoa bafung? Na ba ne ba Mo tseba? Na O ne a eme le bona, Jesu Eena eo? "'Me eena Jesu enoa ea phahamisitsoeng, o tla boela a khutle ka mokhoa oo le Mo boneng a tsamaea." Tsoho e tšoana le ha u shoa; u tsoha ka mokhoa oo. U shoa joaloka motho nameng; u tsoha joaloka motho ka nama. Ke hantle feela. Ka hona tsoho e itšoanelia feela. Re ka qeta lihora tse ling tse peli ka eona, empa re mpe re se qale.

### 106. Hlalosa Baheberu 4 le 6 (Hantle feela, re fumana sena kapele feela.) le ho e bapisa le Baheberu 10:26—Baheberu 6 le 4. (Ke kopa tšoarelo, 6:4, le 10:26. Ha re boneng, 10:26; ho lokile, ke li tšoere hantle mona. Le a bona?)

*Hobane ha kamoo bao ba seng ba kile ba bonesetsoa,  
'me ba latsoitse . . . lineo tsa leholimo, 'me ba filoe  
kabelo ho Moea o Halalelang,*

*'Me ba se ba latsoitseng lentsoe le monate la Molimo,  
le matla a mehla e tlang ho tla,*

*Bao ha ba ka oa . . . ho inchafatsa hape pakong; hobane  
ba boela ba ithakhisetsa Mora oa Molimo, . . . ba mo  
etsetsa nyeliso.*

<sup>174</sup> Leo le tsoelapele ho hlalosa seo e . . . Joale shebang. Ke ne ke nkile ntho eo bosiung bo bong. Ba bakae ba neng ba le teng mona ha ke hlalosa seo? Ho lokile, le tseba seo e leng sona ke hona. Le a bona, ke balumeli bao ba moeling.

<sup>175</sup> Ba bakae ba balileng morao ho Deuteronomia 1 mono, lihloela li kile tsa kena mono tsa latsoa lintho tse tsoang Kanana, etsoe Kanana e se papiso ea Lilemo tse Sekete. Ke ba bakae ba tsebang seo? U bolela hore, ke letsoho le le leng feela? Junie. Ke hantle. Kanana ha se papiso ea Lilemo tse Sekete, hobane ba

ne ba loana, lintoa, lipolao, le lintho tsohle tse ling Kanana. E bapisitse o Halalelang—Kanana ke papiso ea Moea o Halalelang. Egepeta ke lefatše leo ba tsoileng ho lona. Lefeella ke moo ba halalelitsoeng teng, Kereke e bilelitsoeng kantle. Kanana ke moo ba ileng ba lula fatše ka Moea o Halalelang (le a bona, le a bona?), hobane ba 'na ba fumana lintoa. 'Me ha u sa lumele hore o fumana lintoa, fumana Moea o Halalelang khetlo le leng.

<sup>176</sup> U ntse u etsa'ng? U etsa'ng Kanana? Ba ne ba rua litokelo tsa bona. Khanya! Ba ne ba rua litokelo tsa bona. 'Me ba ke ke ba rua litokelo tsa bona ho fihlela ba kena Kanana. Ba ne ba sa rua letho lefelleng. Eitse, ha ba kena Kanana, eaba ba rua litokelo. 'Me re na le litokelo. Ha u amohela Moea o Halalelang, u ka har'a Kanana. U tlameha ho e loanela; noko se seng le se seng sa mobu u lokela ho se loanela. E, monghali! Ke ka lebaka leo batho ba reng, "Moena Branham, u nthapelle kajeno."

"Ho lokile, re tla bona . . ."

Ak'o kene koana Kanana khetlo le leng, moena, 'me u elelloa moo u loketseng teng. Sheba ha thapelo e qala e sokolloa. E, monghali! U re, "Sheba mona, Satane. Sena ke sa ka! Ke 'na mong'a ntho ena! Molimo o itsalo! Tsoa! (Ke hantle, ke hantle!) Sutha setšeng sa ka!" Le a bona?

"Setša sa hau?" Satane o rialo.

"Ke tšoere lengolo la sona la thuo. Tsoa! Haeba sa u etse joalo, ke tla u kata tlhokomeliso ka tataiso ea Moea o Halalelang." O a tsoa. Ehlile, o tlamehile.

<sup>177</sup> Joale, joale, ba latsoitseng lineo tsa Lehholimo . . . Joale, hlokomenang mona.

. . . ha re etsa sebe ka boomo . . . (ea 10, ena ke ea 26  
khaolo ea 10) . . . ha re etsa sebe ka boomo ha re se re . . .  
re se re amohetse tsebo ea 'nête, ha ho sa na sehlabelo sa  
sebe,

<sup>178</sup> Joale, e 'ngoe ea tsona ke moo u sa tsoa e latsoa, athe e latelang ke moo u e amohetseng, le ho e tseba. 'Me haeba u etsa sebe (eng?), ho se lumele. Joale, hlokomena kamoo bobeli bo baliloeng kateng. Le a bona? "Haeba u sa lumele ka boomo ka mor'a ho fuoa tsebo ea 'nête . . ." Joale ha re . . . Motsotso feela, e reng ke e fumane mona.

Haeba re ka oa, ho boela re inchafatsa . . .

. . . ha ho kamoo bao ba kileng ba bonesetsoa, 'me ba latsoitse lineo tse molemo tsa leholimo, . . . (E latsoitse.  
Le a bona?) . . . 'me ba etsoa ba nkang kabelo . . . (Le a bona?) . . . ba Moea o Halalelang,

'Me ba latsoitse sa lentsoe le molemo la Molimo, le . . .  
matla a lefatše le tlang ho tla,

<sup>179</sup> 'Me o tsoella tlase mona 'me o re ha u ka lula hantle joaloka meutloa, joaloka pula ha e nela lefatše hangata; ha u ka lula ka hare joaloka meutloa, Moea o Halalelang o theohile, 'me oh khili, o E thabetse joaloka ba bang bohle; empa mabapi le ho E tšehetsta ka letsoho la hau, kapa ho tsoela kantle, le ho sebeletsa Morena, le ho etsa ho hong ka eona, che, che, ha u khone ho etsa joalo. Le a bona? Hoo ho supa Moea oa Molimo o sa aha ho uena. Le a bona? Ebe moo u qetellang u tsoile. "Eo qetello ea eona e leng ho chesoa."

<sup>180</sup> Empa mona, haeba re sa lumele . . . Joale, sebe ke eng? Ho se lumele. Ekare ha taba eo u e tsebisitsoe, 'me u e furalla ka boomo, le ho re, "Uh-uh, ha ke batle ho amana le eona ka letho," ka mora hoba u e bone, e ke ke ea hlola e bitsa pelong ea hau hape. Ho felile ka uena; ke hantle. U na le—u nyelisitse letsatsi la hau la mohau ka sebe. Le a bona?

*Hoba ha re sa lumele ka boomo . . . (Joale, Bibeleng ea ka mona ke takile mona moo, ke e—e "m," e—e palo ea molathoko mona, e re: sebe—ho se lumele ka boomo. Le a bona, le a bona?) . . . ka boomo kamor'a . . . re amohetse tsebo ea 'nete, ha ho sa na sehlabelo sa sebe, (Haeba u furalla u tloha 'me u hanelo Molimo ka boomo ka mor'a hoba u e lokisetsoe hamonate, 'me Molimo a u neile eona . . . Le a bona?)*

*E se e mpa e le tebello e tšabehang e leng bakeng sa kahlolo bona bohale ba mollo, o tlang ho ja mohanyetsi.*

*Ea nyelisitseng molao oa Moshe o shoele kantle ho mohau ka bopaki ba babeli kapa ba bararo:*

*. . . kotlo e fetisisa hakaakang, ha le bona, o tla . . . leha a lokeloa ke kotlo e kakang, ea hatileng Mora oa Molimo ka maoto, 'me a balile . . . selekane, seo a halalelitsoeng ka sona, ntho e sa halaleleng, le . . . ba etsang mesebetsi oa mohau nyeliso? (Oh, khili!)*

<sup>181</sup> E tla ba eng? Moreri, mosebeletsi, ha re nkeng feela . . . Hobane ke moreri, ha re re ke moreri. O nyolohela mona, o a nyoloha, 'me o bolela Kreste, o hloekisoa bophelo ba hae, moo a seng a sa phele ka bohlola le lintho, a phela bophelo bo botle bo hloekileng, ho nyolohela mona; mohau oa Molimo o mo rekolahetse, ebe o nyoloha a kena hantle tsebong ea Moea o Halalelang (lea bona?), o a nyoloha, Molimo o mo tataisetsa holimo tsebong ea Moea o Halalelang, 'me ke eo o a E bona, empa o re, "Joale, ema motsotsso. Kereke ea ka e ne e ke ke ea emela seo. Uh-uh. Nke ke ka etsa joalo. Ba ne ba tla nteleka. E—e lekhotla le ne le tla—le ka teleka. Kopanong e latelang ea baruti, ke ne ke tla khaoloa." Ha ho sa le sehlabelo sa sebe, hobane o nkile ona Mali a mo halalelitseng 'me a mo fihlisa mona, ho fihla tsebong ea 'Nete, 'me a E lekanya E le ntho ea lefeela 'me a E hatakela

ka maoto a hae, ka mor'a hoba Molimo o mo etelle pele khato ka khato holimo mona ho fihla ho Moea o Halalelang.

<sup>182</sup> U re, “Oh, joale ema motsotso, Moena Branham.” Motsotso feela! Moea oa antikreste o tla etsa seo. Na u hlokometse lihlooho tse peli tsa tsona? Judase Iskariota e ne e le mang? Liabolosi! Bibebe e boletse hore e ne e le mora oa tahleho. Tahleho ke eng? Lihele. Ke mora oa lihele, a tsoa liheleng ‘me a ea liheleng. ‘Me Jesu Kreste e ne e le Mora oa Molimo, a tsoa Leholimong, a khutlela Leholimong. Holim'a bobeli ba bona ba shoetse mane—mane lifapanong... Je-... Na le tsebile Judase o shoetse sefapanong? Ke ba bakae ba tsebang seo? O shoetse sefateng. Jesu le eena o shoetse sefateng. Se mpa se renngoe feela, ke phetho. “Ho rohakoe ea shoelang sefateng.” ‘Me o tsoa liheleng. ‘Me hlokomela eng... Hofihlela bohole boo a neng a ka nanya a kena ka kerekeng... A ka tla bophahamo bo bokaalo joale. Na le bona kamoo a ka thetsang? Joale, Judase o a tla. E ne e le eng? Ramatlotlo, moena ea sebetsang ka hare ho kereke, ramatlotlo ka hare ho kereke, ho nyoloha hantle feela ho lumela ho Morena Jesu Kreste, le ho lokafa-... 

59-1223 Lipotso Le Likarabo  
Branham Tabernacle  
Jeffersonville, Indiana U.S.A.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)